

南洋官報

乙巳六月二十日  
旬報第十四册

# 南洋官報

旬報第四冊

光緒三十一年六月二十日

## NAN YAN KWAUG PAO.

ISSUED THREE TIMES PER MONTH.  
Nan King

諭旨 ○ 附江督轅抄及蘇撫轅抄 ○ 督轅牌示及藩轅牌示 ○ 譯報

論撰 ○ 論商華倒騙之由 ○ 刑部奏核議恤相驗條奏摺 ○ 蘇撫奏蘇省政治情

內政 ○ 形摺 ○ 各省內政彙誌 ○ 金陵籌捐總局呈江督文 ○

外交 ○ 紐約領事告示 ○ 中外交涉彙誌 ○ 各國交涉彙誌 ○

學務 ○ 禮部奏請考試出洋畢業學生日期摺 ○ 豫撫陳奏考

省學務彙誌 ○ 湘撫端示游學豫備科諸生文 ○ 各

軍政 ○ 江督周奏選派員匠赴英德學習製造摺 ○ 蘇撫陸擬

設蘇省督練公所札 ○ 兩江督練公所兵備處詳江督文 ○ 各

省軍政彙誌 ○ 附日俄戰紀 ○ 戶部奏請限制各省鼓鑄銅圓片 ○ 江督周飭商務局

核議鑄當二十銅元札 ○ 八省土膏統捐試辦章程 ○ 各省財

政彙誌 ○ 商部代奏川省廣興實業摺 ○ 節錄江西豐城縣上江

實業 ○ 督查礦產稟 ○ 湖北藝興有限公司章程 ○ 各省實業彙誌

商務 ○ 商部奏請飭查禁商民私賣礦產摺 ○ 江督周飭司道

及查礦公所通飭查禁私賣礦產札 ○ 商部飭上海商學會預

防外洋假絲札 ○ 各省商務彙誌

譯史 ○ 萬國名王傳 ○ 中國各埠通商考 ○ 附中國文學講義 ○ 附銀價駁議

雜誌

中國各埠通商考 ○ 附中國文學講義 ○ 附銀價駁議

金陵漢西門官煤局本年六月十一日起減定柴煤價目

零售每洋一元二百六十斤

一噸以上每噸六元

十噸以上每噸五元八角

五十噸以上每噸五元六角

順治十三年丙申三月丙午

上諭禮部曰朕自親政以來夙夜冰兢罔敢怠忽務求克當

天心光昭

祖德民安物阜蚤底治平乃近者冬雷春虐隕石雨土所在見告變匪虛  
生皆朕不德所致朕思

天爲天下而立君爲君者代

天敷治必使民物咸若治臻上理然後可以仰答眷命今水旱連年民生

困苦是朕有負於

上天作君之心一過也

祖宗創闢天下以貽子孫爲君者念



祖宗櫛風沐雨之勞必闡揚光大四海雍熙然後能守

祖宗之成憲朕之天下實本於

太祖

太宗積功累仁所創垂今疆圉未靖徵調頻興是朕有負於

祖宗付託之心一過也當睿王攝政之時誅降濫賞屏斥忠良任用姦貪  
國家錢糧恣意耗費以致百姓嗟怨人人望朕何日親政亟爲拯救今  
經六載雖竭力更新乃猶康乂未奏災禱時聞是朕有負於百姓望治  
之心一過也用是恐懼靡寧撫躬自責披瀝悃誠冀回災變欲昭告於

上帝

祖宗實圖省改爾部作速擇吉具奏

六月初八日奉

上諭奎順著留京當差烏里雅蘇台將軍著馬亮調補欽此

同日奉

上諭伊犁將軍著長庚補授欽此

初九日奉

上諭崇善奏甄別庸劣不職文武各員據實叅劾一摺福建候補同知俞鴻嗜好甚深性情委瑣延平府上洋通判戎陳猷身膺痼疾政治多疏試用通判金成性情佻達玩好嬉游彭壽松行止乖謬遇事生風前署屏南縣知縣候補知縣韓沐之信任丁胥事權旁落前署同安縣知縣候補知縣劉威捕務廢弛擅挪公款候補知縣方昭恩性耽嗜好難期振作試用縣丞陳閩昌嗜賭營私福甯府左營游擊陳念祖營務廢弛前署浙江太平營叅將候補叅將楊熙春縱兵滋事浙江樂淞協都司何見龔居心巧詐太平營守備楊雲生營務廢弛著一併革職福建廈防同知黃樹軫才欠開展不堪煩劇著開缺另補上杭縣知縣謝翌雲性情迂執短於聽斷惟文理尙優著以教職歸部銓選

以肅官方該部知道欽此

初十日奉

上諭兵部尙書著鐵良兼署欽此

十二日奉

上諭本日引見之出洋學生金邦平唐寶鐸均著給予進士出身賞給翰林院檢討張英緒曹汝霖錢承鈺胡宗瀛戢翼輩均著給予進士出身按照所習科學以主事分部學習行走陸宗輿著給予舉人出身以內閣中書用王守善陸世芬王宰善高淑琦沈琨林榮均著給予舉人出身以知縣分省補用欽此

十四日奉

上諭方今時局艱難百端待理朝廷屢下明詔力圖變法銳意振興數年以來規模雖具而實效未彰總由承辦人員向無講求未能洞達原委似此因循敷衍何由起衰弱而救顛危茲特簡載澤戴鴻慈徐世昌端方等隨帶人員分赴東西洋各國考求一切政治以期擇善而從嗣後再行選派分班前往其各隨事諮詢悉心體察用備甄採毋負委任所有各員經費如何撥給著外務部戶部議奏欽此

同日奉

上諭陝西陝安鎮總兵員缺著傅殿魁補授欽此

十五日奉

上諭翰林院編修陳伯陶袁勵準均著在南書房行走欽此

同日奉

旨正藍旗漢軍都統著奎順補授欽此

同日奉

旨著派色楞額管理御鳥槍處事務欽此

同日奉

旨載功著補授內大臣欽此

十六日奉

上諭興京副都統靈熙著充永陵守護大臣協領宗室多文著補授盛京副都統兼管景陵守護大臣嗣後三陵一切事務均著盛京將軍隨時稽核欽此

同日奉



上諭史念祖著賞給副都統銜隨同趙爾巽辦理賑撫事宜欽此

同日奉

上諭景厚儒林鍾靈均著在京當差墨曹五部事務著歸盛京將軍兼管欽此

十七日奉

上諭張廷燎著開缺另候簡用廣西布政使著張鳴歧署理欽此

同日奉

上諭奎俊著調補吏部尙書刑部尙書著溥良調補特圖慎著補授理藩院尙書欽此

同日奉

上諭張人駿著調署山西巡撫湖南巡撫著張曾敷調署均迅赴署任欽此

同日奉

上諭世續著授爲大學士那桐著以外務部尙書協辦大學士欽此

同日奉

上諭都察院奏巡城御史用刑不慎據實糾劾一摺前因改定法律停止刑訊甫經降旨  
乃該御史瑞璋以錢債案件濫刑斃命實屬荒謬糊塗僅予撤去巡城差使不足蔽辜

瑞璋著即行革職以示懲儆欽此



翰林院庶吉士麥鴻鈞到會由京

來 攷察商務溫灝稟知查官錢局畢並赴滬考查商務 知府傅增清稟知到師範學堂傳習所

課吏館差銷學務處提調差 初十日 徐州鎮標中營遊擊戴鶴松交卸標統回並叩謝飭赴新

任 工部主事王汝淮給咨赴外務部辭 知縣王貴銘稟謝委查撞沉鹽船 前直隸南宮縣張

日陞謝委巡警差 十一日 知縣李大年 二標一營吳錫永 東洋人內山 繙譯吳煥魁均

稟知由皖南考察紙務回 候補道穆克登布稟謝奉委准關稅務差 請補睢甯縣胡保聯叩謝

飭知 縣丞薛振東奉釐捐局委運河分巡 十二日 候補道丁葆元奉委會同運司籌辦淮北

餘鹽辭 馬先松稟知到通濟門稽查差 直隸知府李丙吉奉委解奉天捐照並順道勸辦實官

捐 十二日 直隸州俞錫疇叩謝奉委查礦公所差遣 三標一營杜淮川 二營鍾毓琦 三

營姜國梁均稟知到差 礮隊教練官吳晉謝委 傳習所李稟知今日接代辦三江師範學堂差

常昭海口釐捐知縣徐清鎮專丁稟謝請補興化縣 十四日 新選寶應縣陳祖懿稟辭赴任

十五日 知縣李國琮奉委赴京請領部照 顧永康奉委江南賑捐局文案差 通判丁邦榕

謝委下關草鞋峽緝私差 從九郝芝昌稟知奉委署泰州海安司 十六日 委署揚州參將戴

鶴松謝委辭 委署海州參將楊春和謝委 十七日 知縣李大年稟知奉委督催商務局工藝

局廠工程即到差 十八日 候補道趙曾槐稟奉委辦農務局差 知縣游師程稟知儀鳳門外

設立官醫施診所 署海州州判董學琴辭赴任

蘇撫轅抄摘要 六月初一日 暫統鹽捕等營劉謝委督練公所參謀處 直隸州張昭奉委督練公所文案 知縣王統

江奉委兵備處提調 委署昭文縣主簿諸輔廷謝委即辭赴任 初二日 通判謝謙奉委教練處提調 縣丞陳陳銜

稟請請補江陰縣縣丞 初三日 知縣孟桂庭辭赴江陰丈釘沙界 初四日 候補道劉能緝奉委督辦武備學堂

知縣王啟銘奉委銅元局新廠總文案 江南海陸師學堂畢業生何翼然奉委常備後軍第二營幫帶 武備學堂前筆畢

業生鄧杰陶奉委常備後軍第一營後隊隊官 縣丞王錫章叩謝請補上海縣縣丞 初五日 正任昭文縣張鴻臚稟謝

委署吳縣 同知楊嘉午稟謝調辦中路總察差 初六日 同知高繼昌稟謝委署太平洲同知 縣丞沈愷儒謝委署

蘇糧道庫大使 初九日 知府胡玉瀛奉委房捐局提調即到差 准補荊溪縣張楮司巡檢鄭清徽謝飭赴任

皖撫轅抄摘要 六月初二日 同知樂壽稟知奉委發審局幫審 知縣李振遠稟知奉委農務公司並查勘八都湖官民

荒熟墾務 初三日 本任石埭縣林煒現稟知奉委發審局副委 知縣濮賢泌稟知奉委會懷桐兩縣勘廣濟圩工

謝欽 錢麟書 吳桂森 府經黃經耘均奉委洋務局學習 初四日 知縣廖子瑞稟知奉委洋務局學習 初五日

委署太湖縣賈士駿謝委

蘇撫轅抄摘要 六月初一日 州判姚彭年委解練兵銀進京 初三日 通判陳伯文稟由上海領運新購日本馬鎗回

初五日 縣丞宗紹祁委解練兵銀進京 陸軍第一標第二營表其勳謝奉委接帶 初七日 知縣沈廷鑑稟知接

辦練將學堂會計 初八日 陸軍第一標教練官董作泉謝委 初十日 知縣慶豐稟辦都陽統稅辭

督轅牌示照錄 海州營守備陳士林病故遺缺按照輪補定章第一輪第六缺應用應補人員請補茲署本部堂查有期滿

雲騎尉題補守備蔣廷幹請補 又示 揚州參將劉木桂期滿遺缺查有徐州鎮標中營遊擊戴鶴松接署派遺徐州中

營遊擊員缺查有補用參將楊春和署理

刑部奏核議恤相驗條奏摺

奏爲核議具奏仰祈

聖鑒事 前准政務處咨前兩江總督劉坤一湖廣總督張之洞

會奏變法第一摺恤刑獄一條與現在修改刑律足資考證摘錄原奏咨行前來查原奏恤刑獄酌擬九條除教工藝等條前經臣部另行奏准通行省刑責等條業由修訂法律大臣核議具奏外其恤相驗一條經修訂法律大臣議由臣部奏明辦理查該督等原奏內稱凡有命案應相驗者驗屍棚廐官吏夫馬之費甚多均取之被告家不足則派之族鄰小村單戶派之一半里外之遠鄰間有恤民之吏自備夫馬帳棚嚴禁差役科派然亦不過百之一二終無禁絕之法查四川有三費局由紳民糧戶捐辦一爲招解費一爲相驗費一爲夫馬費民甚便之行之已三十年此事似宜令各州縣就地籌款務以辦成爲度仍責州縣輕騎簡從不准縱擾違者嚴參等語臣等查例載凡人命呈報到官該地方印官立即親往相驗祇許隨帶伴作一名刑書一名皂隸二名一切夫馬飯食俱自行備用並嚴禁書役人等不許需索分文如該地方印官不行自備夫馬取之地方者照因公科歛律議處書役需索者照例計贓分別治罪等語定例本極周密是以臣部歷年以來



遇有內城及香山等處各營房旗人命案飭令當月之滿漢司員帶同伴作皂隸前往相驗每名酌給飯食京錢數千其夫馬皆由該司員等自備驗畢卽回伴作人等不離左右無從需索遵循至今尙覺風清弊絕似毋庸另立相驗費名目至各省督撫如果關心民瘼嚴飭所屬州縣遇有命案相驗一切夫馬廠食照例自行備用並嚴禁差役需索違者參處治罪該官吏差役人等自不致科派無所顧忌若如原奏命案相驗官吏夫馬之費甚多均取之被告不足則派之族鄰小村單戶則派之一半里外遠鄰實屬大千例禁若不亟圖整頓何以除積弊而恤民生該督等洞悉情形欲籌絕妙之法採用四川三費局章程法至良意至美應如所奏請

旨飭下各省督撫體察地方情形一面咨取四川省三費局章程仿照斟酌辦理一面責令各州縣嗣後遇有相驗毋許差役科派需索有犯按照律例分別議處治罪仍令各省將辦理此項驗費詳細情形咨報臣部以備查核總之恤民之吏輕騎簡從夫馬所費無多卽無公費斷不肯科派累民若遇不肖州縣卽有公費難保不仍前縱擾總在各督撫隨時認真稽查有犯必懲則鄉民可免科派之累矣所有遵

旨核議緣由理合繕摺具陳伏乞

皇太后

皇上聖鑒謹

奏

者取夫處今日時局欲求無懼先求自強欲求強海軍先求海軍之所以強今日海軍之操練皆爲水師至美之學堂並請以伊子卜卽法水師隨員往旅順觀戰欲赴煙臺中途被戕者之信曰吾觀於旅順之戰而深有念夫賽爾非及福爾諾（皆法水師名將）使二將在此必能獲勝蓋二將平時之功得於操練者居多於一切進退攻守之法亦從實學得來總而言之平素學業有以致之耳古維爾不僅駁剛司當之和平并以遠東戰務作證申明大海及遠地戰爭宜用巨艦守口利用雷艇蓋以艇船至小斷不能易巨艦之任而攻敵負重致遠巨艦之效驗實爲今日海中無上利器海部大臣湯姆孫曰添籌船隻爲今日最要之圖以法國現在軍艦而論非徒未增抑且日減非果減也蓋不增則自減耳觀於鄰國之添籌船隻日夕不遑非與海國競海軍中之位置乎試以軍艦表論法國自一千九百零五年起至八年止只添百分之十一隻而德國則添至百分之二十一隻美國添至百分之四十一隻義國添至百分之十五隻以本年法國鐵甲艦而論計有百隻德國有七十二隻美國有六十隻若至一千九百零八年則德國有七十八隻美國有七十六隻若從此有加無已越數年後德美不將與我抗乎吾法國甯不思乘時以自籌乎不但此也法國之軍艦爲時最久其載重速率及戰鬪力皆不如鄰國新造之船非特不如英美抑且不如德遠甚法國向所自恃者以軍艦雖下於英而較他國則駕而上之不知數年之後且將較他國而下之歟於是湯姆孫乃請於議院遵照一千九百年所列之表切實施行凡有舊艦皆將一律更換因其不堪復任戰鬪也諸君諸君其欲法國將現在所處位置而棄之乎吾之所謂添軍艦者非爲



爭海上之權蓋專爲欲致和平不如是而不可得耳吾前所言之黃禍吾實信之則吾安得任吾法不添海軍軍艦以保此和平吾亦知法國之財政決不越界以求勝但求法國盡其所能之力以及時爲之耳論者曰吾法蓋已盡力於海軍乃欲復有此舉乎吾甚望諸君知此舉之不得已知軍艦年數之久斷不能不更改增加也如諸君果欲法國久處於所處之位置則將以添籌款項爲然矣於是衆人皆曰善而添軍艦之議遂定噫若湯姆孫君可謂能盡其海部大臣之責任矣

前者駐英日本公使林董曾言及去歲七月間俄前首相維脫曾使人勸伊與之訂期晤商議和條款昨接本報俄京訪事函云渠因此事近日曾得機遇專詢於維維曰余並未有與林議和之舉即使向有此意亦萬難獨自施行因此等大事余雖忝居首相絕不能無俄皇之命令也林爲極貴之官亦決不能無因妄言意者其所言固與傳聞有異也即使其果有是言或亦他人誤傳耳當余在德都之時曾有人將一信稿示余據云該信已寄俄都並云林有意與余會晤就商議和余並未作答亦從未與人言及或者與余所言之人卽與林所言者余雖不便將其人之名表出但余可自表實未嘗有是意也

法國海部大臣湯姆孫君於整理海軍籌防屬地事宜不遺餘力昨日又與提督福爾諾計議臺龍攷查安南形勢奏摺據湯言此摺所陳已經政府允許決計多設海底船以守安南并先訂造十艘聞其需款至多僅十五兆佛郎

據俄國執政中人云首相伯爵沙爾斯基已勸俄皇用前首相維脫代布理基爲內務大臣蓋以維之才

論商業倒騙之由

今之談商務者輒曰定商律嚴倒騙而後商政立商業興吾國商務乃不難與東西洋商家競勝愚謂商務敗壞倒騙固其盡之最大者然不清其倒騙之源不遏其倒騙之流而第持倒騙之律以爲吾有以治商也保商也興商也吾恐商人雖甚感之而其真有志於商業之人抱經商之才儲經商之本者仍苦於倒不勝倒騙不勝騙處圍城之中梯衝四集而資本終歸於陷落也且夫倒騙者統一之名詞也按其實則倒與騙大相逕庭如涇渭之不相合蓋倒者出於不及防品之賢者貲之富者心術之良者猝中於風潮之急激不克自持如土委地則是罪非自肇方哀矜之不暇何忍律之其必騙入於律之中者爲法受惡君子亦無如之何也騙者處心積慮以人爲魚肉而供己之刀俎其心先已不勝誅殛矣然則曷爲而有倒騙曷爲而杜倒騙此其故紛糾萬端更僕難盡姑卽愚昧所躬親閱歷而身受其虧蝕者略言其顛末而所以蠲潔其源流者罄揭焉以俟當事之賢能垂採而甄擇焉

其十由於習俗之漫無防制也吾中古之防民者以禮繕俗底治亦無不以禮於今爲烈

奚其棄之今泰東西言政教無禮防之名詞然而名異實同何嘗於一舉一動與吾之禮法有歧迕者今風俗侈靡吉凶之禮民間無不踰之動輒以費貴爲榮觀否則懼貽道路羞彼不差於他日之敗落而羞於今日之寂寞越禮犯分觀者豔之申禮自持匪特不加敬也且或鄙夷之矣然而其令名不墮矣淺人見前不見後今日鼓鐘明日縲纆甘之如飴曾不鑑戒習俗之敝燕於洪爐所當挽救其大矣

又其一則玩於刑律也吾國之律法命案爲重錢債爲輕故人不取輕犯人命而敢於重犯倒騙不知殺人之犯殺一人而已倒騙不已財竭市窮釀爲大亂積而殺者不知其幾千萬億也而司法者姑以爲錢債而已沈閣不理或草率寬釋甚或謂欠債皆貧而控債皆富以富濟貧義也爲富不仁悖也陽鞠之而隱袒之控不得直效尤遙起訟庭草長而廛市髓枯矣

綜上二端前之踰禮所以啟倒騙之源也後之執法所以暢倒騙之流也然斯二者亦第舉其至約略之表面言之耳請言其隱晦者踰禮之極商業之夥皆有祕密之俱樂部其室則娼寮也其爲事則麻爵一局酒銷一席芙蓉之燈一榻輪替班值人可遞更而局必



其由矣某嘗目擊商埠之大業其執事人興起前項諸多秘密結社下逮中班學徒甚至出店庖丁馬夫舟子亦各有其社會焉此踰禮之尤可偵探而得者也所以開倒騙之源也至於軌法之變相則何如大邑之白役以千計彼何從得食日以訟也商部嚴倒騙之律不啻爲渠增一利源也嘗見有慣於騙帳者先通於役以爲之地後使一人先控收已於押所而乃遽閉其業控者雀起則彼已在官押追乃出資修押所屋一間飽食安居與羣役博戲官訊則上堂乞哀寬限屢延屢寬而已歷歲月控者資用匱訟費絀乃求結以減成彼以一成與役名在押所實則歸宿於室役乃設邏守焉故白役必衆往往騙人萬金以數百金之產作價數千金減成以結者出則營業如故人不敢較役苟聞無訟則誘人來控欠又擇肥而噬如是轉轉入深旋渦彼商人有願受騙不願控案而重傷者至於被騙而又到官則又爲役利故倒者恆自盡覓死以謝人騙者或轉起家而貽後則不特倒騙之源不塞至倒騙之流有愈宣者矣

然則禮也者所以絕倒騙之源也法也者所以窒倒騙之流也商律之設所以維禮而行法也有一至簡之律可以筦攝於斯二者乎曰有曰何在曰復古復古可以制今之商政

乎曰今之商政無論東西洋固仍無異於我之古之商政也古人治四民皆有一定之飲食衣服宮室喪祭之制而市中之禁令尤嚴古無無業游手之民也古無無故出境之民也今日外人之警察卽我古人之保甲也今既無保甲之密法則代以警察之新法嚴核其藏奸彼羣商之秘密結社皆窩奸之地匿婦女藏賭博皆干吾嚴禁者煙土不能驟絕則官設公所非得憑照不准入吸而一切小館皆以私論不得開設在家自食不售人者照馬車例請憑照月由巡警臨驗冠服吉凶有逾法者准人告發科其罰以杜侈靡之漸一切食物之類不得有欠帳如奢侈之綢飾鋪面概用現售告欠者不爲追理此維禮教卽以維商政而惟復古可以已之也古者有公旬之制有罰作工之條周衰籍廢不可稽考則採用西人苦工之法有倒騙者則訊明倒爲誤犯騙爲故犯而長短其作工之歲月以爲抵償古者士師坐獄庶人兼聽之今訊倒騙之案必於商會問官臨商會商董旁聽參其議爲誤倒爲故騙斷不能欺同業之耳目一到案不難訊明驅人苦工作業之所其傳訊由警察不用差役然後再爲追繳欠款除減折歸償所減還之折外餘幾成則科其作工之年限爲償誤倒者半之故騙者倍之然後仿照各國工作拘禁之所潔清其屋地



夫守禮則能儉約奉法則有範圍大抵不外於吾國古時返樸還淳之習俗而公甸作業則又準乎力役與租庸免役諸古法蓋公甸之法後卽力役又卽唐之庸法其出錢免役令罪人作工又卽宋人牢城之制皆我古法也不必待今之西人始有也而西法爲精譬之古碑版西人乃得精本重刻者吾取而肄習焉無漫漶之慮有鈎勒之精吾何憚而不從事也天下事維新則見異復古則有常保吾常法豈獨商政百度可以維貞矣

抑又有請者古者無人不入學校而不設工商學校之名今也分其名不分其法商學之精者在多闢商業在衡度商業之進退增損西人往往於無是業者而創之於非商埠者而開之於一邑之地度量是業可容幾處彼市官方准建設今之中商不明商學不能增新業開商埠於舊有之埠舊有之業可容十家者而或百十家羣萃焉所供之數百十倍於所求之數貨集利耗雖微他變而倒騙已伏其機矣夫安得不以興學爲興商之地也記者曰某業文學而生於吾國內地一大商埠上所言商業社會諸現相與舊法裁判諸變相皆平生所目擊者又某以筆耒而用耆故常有贏以寄營於商業中人被捲入社會之急溜盤渦中者計半世有二三焉故終不名一錢所處皆戚友不肯訟亦無訟

費與訟之暇也吾國之所以貧澈底者皆此社會之風潮所摧陷也憶嘗館於中興一大將之家當其盛時不知其紫標黃榜之數也不十年其子婦之喪貧不能成禮稱貸亦罕應者皆以其投貲營商業而爲風潮所捲如某之以戚友故而不肯訟訟亦無償者也今聞接某帥家之踵者且不勝僂指數甚至有累代甘粗糲積餘貲者一入商潮輒捲爲餓殍吾澆恫焉則擬請諸商部定商律又仿一西法曰凡商夥易主必得舊主之薦書雖庖丁舟子亦必求一薦條空其上款存之以代他募者否必勿用嘗見商貨入舟舟人濫竊以揮霍於彼之俱樂部商人既困而訟訟則渠遽飲酖死而商人乃傾其家吾見商人罹此者三焉餘遂不敢追不敢訟故大商埠一業一歲之中有虧數百萬者而關胥之苛勒以破人家且更佔一席焉關胥察出而逐之其充胥如故也擬令此後凡苛勒者無論官吏皆併入商律皆發作苦工商貨隱匿不准罰鍰以罰作苦工之令歲月爲緩數管關者之失出失入皆以罰作苦工爲差等不得以鍰取贖如此一律歸入苦工而奪其生人之樂雖有錢亦無所用之則商界之上下諸人皆不得以錢爲市夫再能極力挽回風俗一從勤樸之禮教吾國財政其有豕乎

刑部奏核議恤相驗條奏摺

奏爲核議具奏仰祈

聖鑒事前准政務處咨前兩江總督劉坤一湖廣總督張之洞

會奏變法第二摺恤刑獄一條與現在修改刑律足資考證摘錄原奏咨行前來查原奏恤刑獄酌擬九條除教工藝等條前經臣部另行奏准通行省刑責等條業由修訂法律大臣核議具奏外其恤相驗一條經修訂法律大臣議由臣部奏明辦理查該督等原奏內稱凡有命案應相驗者驗屍棚廡官吏夫馬之費甚多均取之被告家不足則派之族鄰小村單戶派之一半里外之遠鄰間有恤民之吏自備夫馬帳棚嚴禁差役科派然亦不過百之一二終無禁絕之法查四川有三費局由紳民糧戶捐辦一爲招解費一爲相驗費一爲夫馬費民甚便之行已三十年此事似宜令各州縣就地籌款務以辦成爲度仍責州縣輕騎簡從不准縱擾違者嚴參等語臣等查例載凡人命呈報到官該地方印官立即親往相驗祇許隨帶伴作一名刑書一名皂隸二名一切夫馬飯食俱自行備用並嚴禁書役人等不許需索分文如該地方印官不行自備夫馬取之地方者照因公科欵律議處書役需索者照例計贓分別治罪等語定例本極周密是以臣部歷年以來



遇有內城及香山等處各營房旗人命案飭令當月之滿漢司員帶同仵作皂隸前往相驗每名酌給飯食京錢數千其夫馬皆由該司員等自備驗畢卽回仵作人等不離左右無從需索遵循至今尙覺風清弊絕似毋庸另立相驗費名目至各省督撫如果關心民瘼嚴飭所屬州縣遇有命案相驗一切夫馬廠食照例自行備用並嚴禁差役需索違者參處治罪該官吏差役人等自不致科派無所顧忌若如原奏命案相驗官吏夫馬之費甚多均取之被告不足則派之族鄰小村單戶則派之一半里外遠鄰實屬大千例禁若不亟圖整頓何以除積弊而恤民生該督等洞悉情形欲籌絕妙之法採用四川三費局章程法至良意至美應如所奏請

旨飭下各省督撫體察地方情形一面咨取四川省三費局章程仿照斟酌辦理一面責令各州縣嗣後遇有相驗毋許差役科派需索有犯按照律例分別議處治罪仍令各省將辦理此項驗費詳細情形咨報臣部以備查核總之恤民之吏輕騎簡從夫馬所費無多卽無公費斷不肯科派累民若遇不肖州縣卽有公費難保不仍前縱擾總在各督撫隨時認真稽查有犯必懲則鄉民可免科派之累矣所有遵

旨核議緣由理合繕摺具陳伏乞

皇太后

皇上聖鑒謹

奏

奏爲辦理蘇省政治先將大概情形恭摺具陳仰祈 聖鑒事竊臣伏讀光緒三十年十二月十三日 由軍機大臣寄奉 廷旨諄諄勗臣以整飭營務吏治破除情面認真整頓等因欽此仰見 聖訓周詳莫名悚佩臣自念受 恩深重此次來蘇謹當恪遵 諭旨事事以掃除積弊切實整頓爲已

任不敢避嫌怨不敢憚煩勞不敢以粉飾博虛名不敢以操切求速效惟是蘇省近年以來吏治之墮壞民生之彫敝財政之匱乏營務之廢弛種種情形幾難措手然臣愚以爲目前整頓之策責效猶緩祛弊宜先立法爲要得人尤急臣蒞任後排日接見僚屬週歷學堂巡視局廠校閱兵操於文武各員之賢否勤惰悉心參考核抉擇去留並逐事釐剔弊竇究心辦法一月以來布置略有端緒謹將大概情形爲 我 皇太后 皇上據實陳之一振興學務查江蘇全省學堂合官立民立通計之開辦八百餘

所就表面而論風氣已極開通然欲收進化之實效則尙無把握推原其故半由於教課之不得其法半由於管理之不得其人非無一二處監督得人精神周匝辦有起色者然終不可多得現經札飭學務處調查各學堂管理人員將規律課程嚴加考核其辦理不合者據實申復聽候隨時撤換一面通飭各州縣多設蒙小學堂頒發初級教課書緩習西文專課國文學以培植根柢至出洋遊歷風氣初開學生程度多未合格非預爲儲備特設專科不足以宏造就而資遣派臣前在湘撫任內奏請特設遊學預備科仰蒙 允准蘇省亟應倣照辦理以杜出洋流弊已飭學務處妥議章程剋日興辦至實業教育亦學



界中一大部分於國民民生計商戰進步均有密切之關係且蘇省人多遊民地多棄土尤宜急開風氣以救民窮現擬就省會先設一實業學堂內分農事試驗場蠶桑傳習所工藝傳習所數項俟辦有成效再行逐漸擴充此目前辦理學務之大概情形也一整頓營制查蘇省原有蘇防五營親兵一營名爲續備軍上年七月間經前署撫臣端方奏請添募常備軍第一二兩營十一月間奏請將續備六營汰弱留強改練常備四營合先募兩營共六營作爲兩標合成步隊一協此改練新軍之始臣到任後調查各路營制除新募常備兩營業已成軍外其餘擬改續備各營有兵額未足尙須挑補者有分防各屬一時未便撤回者目前辦法惟有將原駐省城之親兵營先行挑補足額改爲常備第三營合原募兩營共一標先行訓練一面派員將續備中營及駐紮楓橋之續備後營另行就近挑練其出防較遠者擬分常州府屬爲一路松江府屬爲一路各派員前往就近調集挑練一俟改練成軍來省合操編成步隊一協以符奏定營制惟是練兵易選將難此次新募常備兩營因吳民柔弱願隸兵籍者少率由江北招募而來其當初原招原帶各營弁雖係學堂出身未能恪守紀律非縱兵遊街滋事卽短額舞弊營私已由前護撫臣效曾派員查明先後分別斥退一時營中漫無管束亟應派員接統以整營規當查有補用副將陳東暘向帶江陰南字營尙稱老成穩練兼習新操堪以統帶常備三營藉資訓練各營管帶官選用武備畢業生擇其品端學優者充之以專司教練之任大抵約束行伍非老成宿將不爲功教練新操以學堂出身

能開鑄已由臣遵委幹員督飭嚴催趕造至舊廠係光緒二十七年臣在藩司任內開辦當時限於款項規模尙小現經臣履勘廠旁基地尙可開拓富茲庫款奇絀之時練兵籌餉皆仰給於此不得不極力擴充業經委員購地繪圖添造廠屋俟將來機器增添尙擬搭鑄制錢雖工本較重絕無餘利之可言然既可以救市面之錢荒復可以杜私鑄之流弊爲便民計雖虧本亦在所必行至寶蘇局新鑄有當五一項亦原爲便民而設所以補銅圓之不足迺辦未數月私鑄充塞流弊滋多臣到任後策訪情形當與司道籌商先行停鑄一面委員暫就寶蘇局趕鑄制錢廣爲流布以濟民用此目前辦理錢幣之大概情形也一嚴治梟匪蘇省地面港汊紛歧梟匪出沒橫行無忌上年經前署撫臣端方盡力懲治稍稍斂迹日久生玩難保不故態復萌臣竊謂治梟宜先治梟目梟目治而梟黨自散因於未到任之前一路留心察訪已預派幹員潛往各州縣各鄉鎮暗地密查將頭目姓名住址一一紀錄到任後首先出示懸賞購線一面飛札太湖水師及緝捕飛划各營一律緝拿嚴定賞罰三月間經飛划營統帶徐錦堂獲到著名匪目斬起發一名立即訊明就地正法出力員弁當給賞洋一千元以示鼓勵嗣後續據各營稟報先後破獲著名要匪四起正在研訊此外尙未獲到者仍責成各該營指名訪拿務在必獲以除地方之積害此目前辦理梟匪之大概情形也其餘應辦事宜若整頓警察振興墾牧開設仕學館一切當次第舉行俟辦有端緒續行奏報臣以非材謬膺重任雖竭愚慮恐無裨補惟有不計毀譽不問利害實事求是以期仰

答諭 高厚鴻燕於萬一所有微臣到任後辦理實在情形理合恭摺具陳伏乞 聖鑒 奏

各省內政彙誌

京師 戶部以錢糧處分太重初參之案即須降級催迫如此辦法反於征收有礙擬請吏部更改刻下吏部堂司正在商議此事云 凡罰例太重每不能行即如盜案四參之處分照例應降一級調用然照此辦法則天下幾無一官可免處分者現在盜案以廣東爲最甚而廣東官吏竟無一參案到部者蓋不得不互相容隱也日前呂海寰尙書奏請改輕盜案四參之處分交吏部議奏聞吏部堂司亦多有以呂尙書之說爲然者

江蘇 署臬司朱廉訪因近來各屬時有差役私押人犯之事殊非矜恤小民之意日昨特札飭所屬嚴行禁止略謂照得各屬詞訟案內人証交差看管候訊及輕罪人犯例不收禁者均應格外矜恤乃差役往往藉端勒詐稍不遂欲任意凌虐甚或私設班館將未經投到之人先行私自管押該地方官漫不加察卽或事發又因規避處分反爲多方掙飾最堪痛恨亟應委員以挽積習除委員查辦外通飭各屬遵照嗣後凡有大小案件必須隨到隨審隨結不得將人証日久羈押卽不得已暫時看管亦須隨時查察如有差役藉端勒詐任意凌虐私設班館情事立即從嚴究辦毋稍徇隱致干參究



分別按夫由滿臬會同札委派往兩年期滿更替茲屆期滿於上月十八日臬司錫廉訪親臨課吏館  
監場扁試編定坐號搜查搶替諸弊頗爲認真

浙江 浙紳盧洪昶稟呈清查墮民戶籍並暫營舊業辦法 一清查戶籍墮民之籍開除已久惟浙省

甯紹兩府尙留此項名目其聚居之處以府城爲最間有散處於各縣鎮者現在欽奉 恩旨豁除

丐籍謹擬敬請撫憲札飭甯波府轉飭各屬恭錄 恩旨散貼膾黃並請出示曉諭以便地方周知

再擇該民族中之老成練達者一人協同地保挨戶曉諭編號註冊按戶恭頒光緒三十年十月二十

二日 恩旨一道并給商部原奏及本學堂章程各一紙其查戶之費由本學堂按縣給發該查戶

工食洋十元及地保川資學堂不能同時舉辦亦擬請撫憲札飭紹興府按照甯屬一體辦理其印刷

紙張及查戶等費亦由職洪昶所設學堂籌備惟自奉 恩旨之日起均與平民一律各安生業不

得仍執故見互見猜嫌庶有以廣 皇仁而遵憲諭 二暫營舊業甯紹兩府墮民數不下二三萬

人一時既乏相當之生計則勢不能驟棄現有之職業然歷觀各省凡婚喪諸事亦有此種服役之人

不過與尋常之傭工相同可知甯紹府人賤視此業之故不在業務而在民籍現既明奉 恩旨永

遠豁除墮民名目自應聽其暫營舊業惟民間僱役當視爲職業之一種不得再有賤視之意如有藉

端欺凌強事壓制者准其逕稟地方官長暨原奉除籍紳商及本學堂董事稟請大憲核辦

湖北 宜昌府至夔州府一帶峽江津路異常險峻前經升任荊州道余堯衢廉訪僱工興修以交卸在



卽草草完工了事刻下鄂藩李少東方伯接川中來函力言樟路之難行余廉訪雖費去三萬金實無濟於事方伯當至蜀中同鄉籌議擬就官商兩途捐集鉅款將該路大爲興修期成坦途以便行旅漢口後湖隄工六七兩段屢據稟報墊陷情形極爲吃緊業經鄂督分派委員分投採購石料及大子粗沙裝入麻袋趕運到工晝夜搶築其六段並飭會辦隄工張鎮彪駐工督催設法堵築防護惟七段水勢尤大險工疊出亟應添派人員監修張宮保查有本任夏口廳同知馮啟鈞堪以飭委已札令該丞親駐第七段水廣工險處所督催搶護一面派人多購紅蠻石料及大子粗沙並於原僱拖運小輪外添僱小輪數艘拖運石船不拘何員所辦均須一律用小輪拖運俾免遲誤總須沙石兩項源源接濟足敷六七兩段搶築險工之用

廣東 巡警局自札飭整頓以來擬將各巡勇分期調動不使久巡一段街市庶可免從前姦拐各弊之虞茲悉近日各巡局已將此事實行凡駐段巡勇按期輪換一班由此街以移於彼街不令久駐一處致生他項變故

外務部咨南洋大臣文（爲領事用物免稅不必盡憑該外部來文事）

爲咨行事案查各國領事初到任時隨帶自用器具准予免稅並各國外務部特寄領事署內官用紙筆等項之稅照章免徵應以該外部公文或並送提單爲憑業經本部於光緒三十年六月初八日咨行通飭各關遵照在案茲據總稅務司申稱領事所用物件免稅德國訂以該外部之來文爲憑而他國不盡照允辦法一有歧異各關奉行自難不若另行自訂一律通行之章程等語經本部查照總稅務司所擬章程酌定如下凡各領事除初到任時所帶自用家具暨尋常所用辦公紙筆物件等類有外部公文者照章免稅外其餘領事署尋常應需各件均應照章徵稅如有物件未能定其是否歸入以上兩類者或應歸以上兩類而未有該外部公文者可由該領事隨時行文稅務司暫准免稅俟由稅務司轉報總稅務司核定應徵應免一體照辦一面按期申報外務部備案除將此項章程札行總稅務司轉飭各關稅務司遵照外相應咨行貴大臣查照通飭各海關監督遵照辦理可也須至咨者

金陵釐捐總局呈江督文

（爲海門釐局扣留洋行漏稅棉花事）

敬略者竊以海門釐局與老公茂洋行因運花齟齬一案就實在情形而論局員照章扣留辦理並無不合該處棉花向爲大宗貨物改辦產地之時詳明章程販運概由行戶經手先完稅項私相買賣卽干究罰至商人請三聯單採辦土貨准免沿途釐金與此項產地捐似不相涉又洋商不准在內地設立行棧載在約章歷年因此爭辨不一而足從未稍涉遷就馬關准暫租棧存貨之約實與開設行棧不能牽混此次該洋行商夥私自在內地設行招帖收花顯違約章一也三聯單不先送地方官驗截又不隨船全行呈驗况第四船係臘月十八日被扣一千六百九十二號聯單係該商自填臘月二十日抵圩角關日期不符足徵被扣無單後二日始經補單違背定章二也該商謂三聯單四紙全由局取去不還船戶乃英副領事至海門由船戶手交出二單顯見有意狡賴三也船戶自將花包堆集岸上駛船而去局無如何花果受有潮濕應令船戶認賠乃是正辦四也領事辦公最講情理卽洋行商人亦無不以公正爲懷保其名譽不過雇用華人爲夥往往多方取巧無所不至迨至事端已起領事洋東爲其所愚出而偏護此案實在情形該洋行夥種種不合顯而易見無可躲閃產地捐應由行戶納繳該商私設行棧卽應向該商追繳如或免予究罰已屬從寬偷意存遷就以爲兩造各有不是敷衍結案不特此次產捐無所著落而嗣後紛紛援以爲例則通海花捐全歸無有關係甚鉅擬請憲台嚴飭漚道據理力爭不得遷就敷衍先行氣餒授人以柄職道忝司權政實有應盡之義務並非偏袒局員而與洋商反對若以稟報稍遲



俟事竣將該員記過以示懲懲未爲不可是否伏乞酌鑒附載

爲曉諭事本日奉欽差出使美日秘古墨國大臣梁札開照得美國禁限華工變本加厲苛凌騷擾不可終日上年續約屆滿經本大臣咨請外務部聲明作廢並照會美外部在案惟我政府顧念邦交又因美國工黨爭權有礙該國政治姑允另訂條約來美之工酌行限制別項華人一律優待由本大臣咨商外務部擬稿送交美政府磋商數月尙無定議查前約已於光緒三十年十一月初二日即西曆一千九百零四年十二月七日期滿停止自是日以後凡華人抵境及寓美華人諸事即不應按照前約辦理雖美國禁例業經議院議定於廢約後仍舊照行然此國續例關涉彼國未經彼國認許者不能強令遂行現約章能否締議既屬未定我華人來往居住如有窒礙損害之處自應按例索賠以彰公道而保人權惟慮華民於美國事例未盡通曉所開清單或有未合致遭挑駁特行擬定華人被阻被撥索償格式華人寓美查册被拘被撥索償格式各一紙發交該正領事陳交所轄各會館商董人等遇有華人不諭商工各項抵境被阻被撥查册被拘者一律按照格式所開各條詳細填註尤須核實從事以備稽駁不可少有含糊致貽口實填註之後呈由最近之領事申送來署候本大臣復核無訛屆期彙案照會美外部請其按數賠償用昭公允雖美國外交疲緩宕延未必遽能如願然公理公法固應有此辦法本大臣責任所在不忍見吾民枉遭凌侮呼籲無門爲此札仰該正領事速即按照上開事理妥辦毋得視爲具文等因奉此除另行諭知中華會館紳商董事外亟應出示曉諭爲此示仰闔華華人知悉嗣後遇有華人不



論工商各項抵境被阻被撥查冊被拘被撥者一律按照格式所開各條詳細填註呈由本正領事申請使憲核辦必須核實從事以備稽駁不可少有含糊致貽口實切切

### 中外交涉彙誌

中德商約已由呂大臣將約稿並所擬駁之稿寄到外部刻下外部諸公正在磋商未覆故呂大臣尙未再與開議按約稿六款第一款加稅免釐第二款租界大旨已見四月新聞報所錄第三款關棧與中英商約第六款中美商約第六款無異第四款礦務與中英商約第九款中美商約第七款無異第五款存票與中英商約第一款中美商約第八款無異第六款商標則與各國商約不同蓋英美日與中國所訂商約中國有自定商標章程之權而德國之意欲將商標註冊章程歸各國公定故於商約此條只載明另訂專約聞餘款尙多俟探明續誌

駐俄胡星使電致外務部稱俄外部照會云聞貴國有開張家口庫倫爲商埠之議庫倫爲中俄兩國通商要地已數百年之久張家口亦爲俄商出入要道非尋常海口可比今無端忽開商埠是有意侵損俄商利益決難承認等語特此布聞伏乞核示

美國駐京公使柔克義君現向其本國政府商議請在山東省濟南府設立美國領事館俄國代理公使照會外務部云山東省濟南府濰縣等處開爲商埠本公使今奉本國訓令特向貴國商議請許俄

國在該處設立領事館云云

請指租即礙他商租賃現與駐蕪英領事柯韋良君會商宣示限期凡有洋商來界租地照章繪圖計明丈尺畝數報明到官一經會丈明妥務於三個月內繳價立契成交如逾三個月之限即將前議作廢應聽他人承租以示限制並請轉飭本口各洋商遵照云

英國駐京使臣薩道義君以各報咸載俄軍由庫倫進兵之事特至外務部調查經外務部大臣詳細剖告始釋然而去

駐美梁使致外部電云自滬粵倡禁美貨美總統力主修例通融惟謂訂約過寬仍恐議院阻駁近日旅美華民聯會拒約勢非廢約不能鑿衆意細察情形前後迥異不如不與訂約由我自禁較爲得體無已亦須嚴定辦法實行報施始免或蹈覆轍

- 工外不禁
- 標列工類
- 禁外之人及合例工人來往居游均按最優國條例與各國人民一律相待不得稍異
- 合例工人抵境留難准赴法廷控訴
- 檀香山飛律濱兩處均須寬禁
- 禁例章程我可照行

以上六款似不可缺前稿載工商部派員赴華查簽護照一節亦宜酌設限制當否乞裁柔使在美曾談約事持論頗公

各國交涉彙誌

路透電云英伯期君爲倫敦新加坡宴會之主席彼力言各藩屬地應舉代表人列於議院之內因新加坡之情事英人不可不加以考求其故緣英國在東方海面之權亦賴該處所維持也

相靈電云會議摩洛哥一事訂於西八月集議政者以唐支亞為會議之地又電云日斯巴尼亞王將  
於西九月至柏靈然後往維也納

各國交際情形

德法兩國自任有參戰以來前表宣稱如題語當否之說不與外交界無涉事後論議定

對德 德法兩國自任有參戰以來前表宣稱如題語當否之說不與外交界無涉事後論議定

對法 德法兩國自任有參戰以來前表宣稱如題語當否之說不與外交界無涉事後論議定

對英 德法兩國自任有參戰以來前表宣稱如題語當否之說不與外交界無涉事後論議定

對美 德法兩國自任有參戰以來前表宣稱如題語當否之說不與外交界無涉事後論議定

對俄 德法兩國自任有參戰以來前表宣稱如題語當否之說不與外交界無涉事後論議定

對日 德法兩國自任有參戰以來前表宣稱如題語當否之說不與外交界無涉事後論議定

對意 德法兩國自任有參戰以來前表宣稱如題語當否之說不與外交界無涉事後論議定

對奧 德法兩國自任有參戰以來前表宣稱如題語當否之說不與外交界無涉事後論議定

對匈 德法兩國自任有參戰以來前表宣稱如題語當否之說不與外交界無涉事後論議定

對土 德法兩國自任有參戰以來前表宣稱如題語當否之說不與外交界無涉事後論議定

禮部奏請 欽定考試出洋畢業學生日期摺

奏爲恭請 欽定日期事本年四月准總理學務處咨稱本處奏准考驗出洋畢業學

生第一場按照所學科目詳加考驗造具分數清冊咨送禮部 二場請照鄉會試覆試

之例由禮部奏請 欽定日期在 保和殿覆試應辦事宜懇 飭禮部照章辦理

等因咨行到部臣等查定例鄉會試覆試由臣部奏請在 保和殿覆試係屬 欽命

題目監試王大臣閱卷大臣係奉 特旨簡派不由臣部開列歷經辦理在案又三十

年十二月經學務大臣奏准考驗出洋畢業學生分爲兩場第一場按照所學科目分門

發問第二場以經史命題作論說兩篇覘其學識等因亦在案茲據學務處將考驗第一

場清冊咨送前來應恭請 欽定一日在 保和殿考試所有監試王大臣閱卷大臣

仍照章奉 特旨簡派毋庸臣部開列屆期並請 欽命經史論說題各一道由監

試王大臣臨時宣示爲此謹 奏請 旨奉 旨已錄

豫撫陳奏考察豫省辦理學堂各州縣分別優劣擇尤舉劾恭摺仰祈

奏爲考察豫省辦理學堂各州縣分別優劣擇尤舉劾恭摺仰祈 聖鑒事竊臣恭讀疊次 諭旨



南洋官報  
諄諄以建設學堂爲要務書院則一律裁改鄉會試中額則分科遞減仰見

聖主銳意興學所以整

齊而畫一之者固期人人咸知自奮爭先向學而後民智開通有自強之一日也願向學之機在乎民而興學之責在乎官此中關鍵全視乎牧民者之力行何如耳本年三月間臣遵

旨開報各州縣事實

並道具課治表一分咨送政務處其中卽有學堂一端惟表內門分類別節目繁多第其優劣信賞必罰庶足以動觀聽而作精神臣督同學務處司道留心稽考查有永城縣知縣周雲通達時務深諳教育於訂章程延教習籌經費諸事布置井井成效昭然舞陽縣知縣李文烈銳意經營課程周備所立高等小學堂規模極爲閎敞以上二員實爲通省之冠相應仰懇

天恩俯准傳

旨嘉獎以示鼓勵浙川

縣同知錢繩祖調補滑縣前新鄭縣知縣呂相曾汜水縣知縣孫金章調署鹿邑縣知縣陶琪西華縣知縣舒樹基南陽縣知縣潘守廉前署確山縣事內黃縣知縣愛仁調署獲嘉縣知縣胡嗣芬以上八員辦理均尙合法教育漸有成效應由臣飭司各予記大功一次前署延津縣知縣韓厚瀛前署鎮平縣知縣郎益厚在任經年於學堂事件延不舉辦亦未稟報一字實屬因循顛預玩視要公未便稍事姑容應請

旨將韓厚瀛郎益厚二員以府經歷縣丞降補以示懲儆此外各處或已立基址而擴充之經費待籌或大啓規模而詳細之章程未備暫不遽定其功過且觀後效於將來由臣督同司道隨時考核加意整頓務使通省州縣視學堂爲身心性命之事殫精竭慮期其必成庶仰酬

朝廷興賢造士變法自強

湘撫端中丞示游學預備科諸生文（爲開學日爭持禮節事）

照得游學預備科前日開學諸生以爭持禮節竟至不能成禮事至可駭該生等謂湖南自立學堂以來除謁

先聖外其餘均係三揖語多未覈本部院近送甲班游學諸生拜跪雍容衆目共覩到鄂以後

蒙張宮保餞送亦皆行禮及至上海候船馬紳隣翼來電並有同諸生叩字樣均足爲湖南諸生行禮證

據卽省內省外官私學堂組織建立凡有真報無不以遵照 奏定章程爲言今謂湖南諸生獨自爲風

氣無乃厚誣卽或從前所行禮節容有參差一二學生故示傲慢閒未整齊試問此爲有禮乎抑無禮乎

諸生於學界近時之閔美等諸若忘而轉於曩日之小尤意在倣效母乃昧於所擇歟至諸生以跪拜之

事屈膝折腰五體投地爲奪其見在高尙之志而爲將來氣節之憂其語陳義似高按之古今情事頗爲

不審古者席地而坐燕居無事無妨隨意有事示敬略一直立古云危坐今謂之跪古人之拜無不跪者

故許慎說文云跪所以拜也六國之君其於臣下長跪請教往往史有其文古人拜跪本非甚特別之事

其後几案羅列人皆設座一切古制原可變通禮從其朔浸尋至今然於一切大典得藉存古以示隆重

亦足見其優異日本從前本襲華風維新以後倣則歐美而家庭之間敬長禮賓亦有長跪之事此何關

於屈辱而如此致疑乎諸生而果以此施之敵人懾於其威而不憚屈膝施之途人歆於其物而不卹折

腰謂之屈辱是誠無辭今諸生所處之地則學堂也所敬之人則師長也所立之位則學生也自顧其名

拳拳而不忘一切儀文由此以略示等威何悖於義今以諸生行禮於學堂而謂有損於高尚以學生而敬禮師長而謂有虧於氣節本部院百慮千思不明其旨毋亦諸生先未正名析禮之未精或大惑不解歟甚爲本部院不取也禮儀規條載在 奏定章程苟非 朝廷明示損益絕不容諸生稍有通融本部院莅湘以來除模範小學堂外此爲首先開設之學堂爲將來聿新觀瞻不能不爲諸生明辨此事西國哲士謂世界人類各有先天地位有後天地位爲何國之人守何國之習慣先天之地位也治何處之事守何處之章條後天之地位也其語則至精其理則自然若如諸生之言則先天後天皆失其地位矣中國文教以萬物本天人本祖一義組織而成親親尊賢定以等殺原有精義與西士專拜上帝本難一致諸生勇於從人而自忘故我以是謂之氣節謂之高尚誠不知其何說也經此次剖晰之後知諸生曉然其故必樂遵循若一定堅持不能一迴初慮則是於本部院所言並不平心研究相悅以解則諸生不妨分別從違自爲去留本部院不深強也除行學務處通飭遵照並飭預備科定期開學外合行牌示曉諭爲此諭仰諸生一體遵照毋違特示

各省學務彙誌

京師 保和殿考試出洋畢業學生題名 一等張英緒直隸 陸宗輿浙江 曹汝霖江蘇 陸世芬  
浙江 王守善江蘇 林榮福建 金邦平安徽 唐寶鐸廣東 二等王宰善江蘇 錢承鈺浙江



生獎品四體操獎品教員之甲乙以三事定之  
師範講習會考課之分數  
講習會之積分  
自己部下學生考課之分數前三名各贈銀質鍍金褒章全具並圖書數種另加酬金第四至十名各贈褒章及圖書第十一名至第十名各贈圖書及學校應用品有差學生給獎之例凡大考列入上中取者均得獎品而獎之多寡則以四次考課之積分另定甲乙其考課不及四次者得獎較薄大考名列次取者不給獎男學生得獎者共計一百三十三名每班之首名均得獎品十五種之多如書籍地圖儀器團扇手巾皮球洋刀之類甚美觀而均適用其頭班上取第一名由會友金君孺友加贈銀質褒章全具女學生得獎者共計十一名由各該塾教員自行分派其操練未純熟之各塾不與焉是日會董彭君頌田方君孝充親臨發獎先由沈君戟儀葉君希賢姚君伯希演說然後點名給獎計此次四項獎品約值銀一百數十圓除會董會長及各幹事各女士捐贈外並有上海商務文明兩書局主人捐贈之獎品爲數頗鉅云

安徽 舉人馮汝簡等日前因武備學堂武備練軍多有外省人肄習其間公以就地成才情通事便等詞具稟撫轅撫憲誠中丞察閱該稟詞頗多偏畸窒礙特批仰藩台聯方伯悉心妥議略謂查武備學堂以儲備將才爲宗而學堂練軍首在開通風氣故定章考取從嚴而不分畛域所以振興實學培植人材也矧經費撥自米糴則取諸客籍殊與他省情形尤有同異邇來皖省風氣漸開該舉人等謂士



民應招既多有志出洋者亦不少當係實情以後應否專選本省人抑或如何推廣俾宏造就之處仰兼理武備學堂布政使尅日悉心釐訂妥議詳覆察奪勿延

江西 武備學堂將於九月舉行卒業下屆學生已由學務處札飭各縣申送限十月齊集聽候覆試遵照新章作爲武備小學堂辦理云

湖北 武昌文華文學書院爲法蘭西人某君所辦該西人親自教授法文而另延武昌人彭君教授英文茲屆伏假官私各學堂均放假休息一月聞彭君卽於伏假內糾合同志於後長街地方租定房屋一所並聘請該西人教授法文專於伏假內開學以便研究溫習廣招學生不拘額數大約俟官私學堂開學後卽行停辦 武昌察院坡地方有二日本人於該處開設糕餅紙烟雜貨店一所並於該店添設東語學塾一所每日教授日本語言文字約兩點鐘每月取脩金二元日閒來學者約有二十餘人之多 武昌道府師範已於五月畢業共額三百餘人現皆住堂聽候差遣昨聞宮保傳見各學生接談良久勉以熱心教育之語並飭令伊堂監督發給文憑分上中下三等上等等者充當高等小學教員中等者充當蒙學教員下等者分發各營中教授各營兵普通功課

署江督周奏選派員匠分赴英德學習製造摺

奏爲選派員匠分赴英德各廠學習製造以裕軍儲恭摺具陳仰祈 聖鑒事竊查上海製造局諸事廢弛亟須改良經臣與北洋大臣商定辦法劃出船塢另派大員經理前經奏明在案查滬廠所造彈丸火藥鍊鋼製礮等事皆因摹仿而成非由心得終未精良上年曾派員匠赴鄂廠考察以期觀摩取益惟良匠難撥且滬廠機器不全非赴外洋細心考驗無從購補查製槍礮爲費甚鉅非一時所能驟辦彈丸火藥則須多製以供操防現查南北洋所用各種槍礮之彈丸無烟藥栗色藥皆爲行陣要需刻不容緩應卽先就現有經費加工精製以儲軍實一而選派委員學生帶同明練機匠同赴英德各名廠學習講求並考察製造槍礮彈藥及鍊鋼之法學生未習機器則藉匠人爲目驗匠人不通言語則藉學生爲舌人兩者相成易於深造至稽查約束須人經理查有分省補用道李經叙精練核實堪以委令帶往應如何分駐各廠分習機件俾到歐洲後稟商英德駐使博訪周諮擇定分派所需經費仍就滬廠籌撥但學成歸國至速計須數年工匠不能久閒機器不能虛設此數年中擬先雇東西良匠來滬試辦訂立合同約定年限合同期

滿華匠學成可以自行製造卽仿日本辦法將洋匠辭退如此前後承接則目前既不曠  
誤後日更復精良此誠正本清源之計用費雖鉅成效可期臣與北洋大臣袁世凱往復  
電商意見相同擬卽照此舉辦除將選定學員匠目銜名分咨練兵處外務部戶部備查  
外合將派員赴歐洲學習製造緣由恭摺具陳伏乞

皇太后

皇上聖鑒訓示

謹 奏奉 硃批該衙門知道欽此

蘇撫陸擬設蘇省督練公所章程飭各員遵照札

照得蘇省續備各營現改練常備軍分爲二標合成步隊一協業經本部院將常備後軍第三營飭令挑  
補足額連同先練之第一第二營編成一標委副將陳東暘爲統帶茲又將第四第五第六三營就續備  
軍內嚴加挑選汰弱留強編練成軍委記名總兵陳有珍爲統帶以符兩標之數惟查照 奏定章程凡  
各省新軍業經練及一協以上者應於省會設督練公所一處慎選兵學諳練事理精詳各人員分任兵  
備參謀教練暨考校舊日勇營妥籌變革各事蘇省自應遵照辦理現經本部院酌定章程四條並擇署  
之東偏向有房屋一區設立督練公所一面委派總辦兵備參謀教練處三員分任其責凡有新軍及蘇  
省原有各營一應庶務皆歸三處經理仍由本部院躬自督率見諸施行庶幾遇事有所歸束綱舉目張  
劃一不紊俾符定制合抄章程札飭各員一體遵照



兵備處教練處提調各一員參謀處提調及三處幫辦現均暫虛其職至經理文牘應委文案兩員餘俟事繁與隨員先鋒官等隨時添派惟本部院於地方事務煩雜見聞或有未周應添派藩臬兩司爲本公所參議官以資輔佐該公所文牘往來又應設正司書生一名副司書生三名專司謄錄並募護兵什長一名護兵十名內擇其勤慎者兩名分任司閣傳事等差又募伙夫二名如或不敷差遣仍准酌量添募至馬弁護兵長現暫毋庸委派

一專職守 查奏定督練處規制兵備處總辦係考核章制暨各營功過賞罰籌備糧餉軍械醫務等事參謀處總辦係贊佐調度策應並考查中外輿圖形勝等事教練處總辦係考查訓練兵隊暨審定學堂課程等事惟每處繁簡不同必須有總辦一員按日到所辦事提調亦須常川駐所文案經理文牘尤應在所值宿司書生亦不准擅離護兵伙夫倘有服役不勤及吸食洋烟不違約束者立時由提調逐去另募

一籌經費 查奏定餉章督練處員司薪水公費按軍隊之多寡事務之繁簡酌量擬定奏咨辦理現蘇省新軍僅練一協軍務尙簡所有兵備參謀教練三處總辦應月給薪水銀一百二十兩公費銀各八十兩兼差者祇給公費不給薪水現任者概不支給提調月給薪水銀五十兩公費銀三十兩文案月給薪水銀三十六兩公費銀三十兩至司書生及護兵伙夫辛工餉銀由提調稟承總辦酌定支給



惟每月薪水公費連日用飯食一切統計約須銀一千兩現在司庫善後同一支細應於鑿蘇舊廠銅元局暫時撥給以資應用仍按月造具報銷清冊呈送查核  
一刊關防軍查督練公所爲軍政總滙之區文牘往來及提撥經費均由本部院主政督辦仍用巡撫關防其兵備參謀教練三處遇有稟詳事件應卽飭令善後局刊刻蘇省督練公所兵備參謀教練三處關防三顆另行頒給開用以資信守

以上四條不過撮其大略所有一切事宜應由總辦督飭提調參照兩江章程悉心妥議詳候奏咨

核辦等因計於...  
兩江督練公所兵備處會詳江督籌擬出洋回國學生辦事薪水畫無章程文...  
爲詳請事竊查各國陸軍人員有定俸無定職故人人有各盡義務之心而無個人希冀之想法至善也  
本省開辦軍政陸續由日本回國學生現有二十餘人或充督練公所委員或充學堂教習或充各標教練官原定薪水參差不齊如兵備參謀兩處委員月支薪水銀六十兩教練處委員則月支薪水銀五十兩學堂教習亦各支五十兩各標教練官則各支八十兩以同一學校畢業之員差使本無等差而薪水顯分厚薄其中已不免有缺望又江南知兵人才過少勢不能不予以兼差於是以公所委員兼學堂教習者其薪水月可得百二十金兼外標教練官月可得百四十金而專在公所辦事無暇兼外差者每月

豈足以安其身職道等再四籌商擬請另定畫一章程凡自外洋學成回國派充督練公所委員及各標教練官各武學堂教習其差使無甚等差者均一律給薪水銀一百兩此外雖有兼差均不另支薪水以示均平其各標教練官照練兵處新章本月支薪水一百兩上年籌改新軍因餉項支絀改爲每關支銀八十兩今計本省改練八旗應派教練官八員每關所加不過一百六十兩爲數無多似不必節查及此是以請爲一律加復百兩以免歧視上年開辦督練公所於未經詳定分科條目之先每處酌派數員原係試辦今已分定兵備處設六科參謀處設四科教練處設三科自應按科派員經理以專責成職道等會同商酌謹就先後招致各學生量其所長分科派定並於教練處添設提調一員總持一切綜計三處分科以教練處爲最少而委員則以教練處爲最多緣創練新軍事事皆須從教育下手即如教練科應分之步騎礮工輜各項均各有專門之學即要塞軍樂亦萬不可不講求者其編譯一科既須廣編教科書籍更爲繁重均非一人所能了之者是以添派之員略多然亦不過勉強因應委無濫竽者所有三處經費兵備參謀兩處原請一千五百兩現尙足用毋庸再增惟教練處原請五百兩所短實巨合無仰懇憲恩亦准其每月請領一千五百兩除支各員薪水外有餘仍留作活支之用如此則事無不舉於軍隊前途大有裨益竊見北洋督練處分科數十一科之中必有提調委員數人以南洋全處用人視之殆未足比其一二科規模既大成效斯彰而聲威亦因以遠播職道等明知江南財政困難萬不能與北洋相

抗而當此時艱孔亟拯濟需才苟非稍事擴張無從展布實亦出於萬不得已者也謹將三處應用人員銜名另列清單一份詳請憲台鑒核示遵並請札飭陸師將備兩學堂知照再所派學生內惟鍾毓琦一員並非東洋留學而其才實可用與尋常不同且其承辦編譯科體大思精尤當別論應請一律照給爲此備由具詳伏乞照詳施行

### 各省軍政彙誌

江甯 南洋新編第一標係以武威新軍左右翼兩營改編向無一定營房現經標統徐固卿觀察擇定城北三牌樓地方曠地一區擬於該處建築標本營房屋不日即可開工 留學日本輜重專科畢業生方君咸五今正曾在督練公所供差嗣爲袁宮保調赴北洋贊畫軍事茲聞徐朱兩總辦以徧詢留學界中殊少輜重專長之人特函召方君仍回南洋差委聞方君不日可以旋甯

江蘇 蘇省善後局督辦朱廉訪奉陸中丞面諭常備軍應用軍裝必須發給一律之後膛槍以期合用等因經廉訪飭查蘇城軍裝局所存之雲者士得槍黎意槍馬梯呢槍快利槍林明敦中針槍等項後膛槍名色各殊且不甚多難以發給因思前次蘇撫趙展帥曾向湖北購到九響連珠毛瑟槍數千桿分發水陸各營現擬將此項連珠毛瑟槍吊回發給常備軍應用另擇他項洋槍分發各營已移行水陸各防營一體遵照



江西 江西藩司周接兩江督標中軍協鎮移文內開奉兩江督憲札飭查驗武員所呈清冊點驗已到者僅註老弱強壯病廢未據調驗有無假冒頂替各情事核明去留明晰聲敘殊屬含混應將原冊發還查照前呈點驗冊內楊軍門批註名下據實逐細聲敘另遣妥冊呈送查奪至點驗未到各員名據稱其中或有在籍舉辦團練充當各學堂教習及出省當差有身任統領營哨各官未能赴驗自係實情應如所請卽由該中軍分別抄單通行江西水陸各鎮協營及防軍局並暨移各藩司轉飭地方官並學務處轉行各學堂一體查明勒限三個月內一律投驗如因要差未能回省請驗者並由該中軍隨時登詳逾限不到者卽行造冊呈請開除標營以示限制卽卽遵照辦理此批原冊發還等因到協奉此除通行外相應抄單備文移會查照希卽轉飭遵照望切施行周方伯已分別轉飭遵照辦理矣

湖南 長沙武備兵目兩學堂學生舉行第一次運動會自撫帥以下文武員弁均臨場觀看官私各學堂教員學生相率來觀紳商士庶亦聯袂紛至環若堵牆會場規模宏敞中設帥座高揭國旗圍隅連四級各國旗章旁有軍樂部前有決勝點臚列賞品爲評定甲乙處四周牽索爲檻外設各種體操架阻礙物再外爲跑馬與競走圈外圍以繩繩以內正北爲接待處設彩棚十餘座中爲官廳右爲洋客廳再右爲學員官廳左則客廳再左爲女客廳餘地爲各學堂學生各營兵丁站立處繩以外爲商設之茶棚瞭臺其西面城牆之上遠立遙望者蟻附峰屯萬頭攢聚誠盛會也其運動皆遵排定名目以次





|     |        |           |     |
|-----|--------|-----------|-----|
| 全上  | 蘇發羅    | 一萬三千五百一十六 | 日本海 |
| 全上  | 亞勒三得第三 | 一萬三千五百一十六 | 全上  |
| 全上  | 波羅得挪   | 一萬三千五百一十六 | 全上  |
| 全上  | 奧士列亞雅  | 一萬二千六百七十四 | 全上  |
| 全上  | 謝亞非利氣  | 一萬零四百     | 全上  |
| 全上  | 那發林    | 一萬三百零六    | 全上  |
| 巡洋艦 | 魯利     | 一萬零九百三十六  | 朝鮮海 |
| 全上  | 巴仁     | 七千七百二十六   | 旅順  |
| 全上  | 巴喇打    | 六千七百      | 全上  |
| 全上  | 發雅     | 六千五百      | 濟物浦 |
| 全上  | 挪非     | 三千八十      | 庫頁島 |
| 全上  | 波亞林    | 三千二百      | 大連灣 |
| 全上  | 提督那其摩  | 八千五百二十四   | 日本海 |
| 全上  | 德米擋斯開  | 六千二百      | 全上  |

全上

拉地米摩挪馬

五千五百九十三

全上

全上

非喇那

三千七百二十七

全上

全上

依三路

三千二百

全上

防邊鐵甲艦

提督奧斯沙霍夫

四千一百二十六

全上

假裝巡洋艦

亞木爾

二千六百五十三

旅順

全上

安加利

一萬二千零五十

全上

運載魚雷艦

依尼西

二千六百五十三

大連灣

全上

烏里羅

八千二百七十八

日本海

礮船

霍里斯

一千二百一十三

濟物浦

全上

普霍

九百五十

遼河

全上

波薩尼

四百

旅順

全上

皆打馬

四百

全上

全上

哥里耶斯基

一千四百九十二

全上

全上

呵發尼

一千三百三十四

全上

全上

薩畢卡

一千二百三十六

全上

全上

止查

九百六十二

全上

全上

波爾

九百五十

全上

驅逐艦

布非

三百五十

全上

全上

布芝梯尼

三百五十二

全上

全上

喇雅士芝

二百四十

全上

全上

斯托魯士非

二百五十八

全上

全上

昔尼

三百五十二

全上

全上

波尼

三百五十

全上

全上

尼馬梯尼

四百六十二

全上

全上

烏奴斯里非

三百一十二

全上

全上

烏奴昔梯尼

三百一十二

全上

全上

拉托羅尼

二百四十

全上

全上

斯梯吉止

三百五十

全上



全上

斯廚羅尼

三百五十

全上

全上

斯廚拉尼

三百五十

全上

全上

巴羅霍夫

二百七十六

全上

以上俄船沈沒者計戰鬪艦十二艘巡洋艦十二艘防邊鐵甲艦一艘假裝巡洋艦兩艘運載魚雷艦兩艘礮船一艘驅逐艦十四艘另有小驅逐艦五艘在日本海沈沒未列

船類

船名

噸數

被擄地方

戰鬪艦

奧慮羅

一萬三千五百一十六

日本海

全上

尼霍列第一

九千五百九十四

全上

防邊鐵甲艦

亞布拉先

四千一百二十六

全上

全上

提督普尼亞番

四千一百二十六

全上

驅逐艦

慮施梯尼

二百四十

煙臺

全上

耶都非

三百五十

日本海

以上被擄者計戰鬪艦二艘防邊鐵甲艦二艘驅逐艦二艘

統計俄船自開戰至今沈沒及被擄者共六十艘計二十八萬九千七百五十六噸船價約值二萬

船類

船名

噸數

羈禁地方

戰國艦

謝慮非

一萬二千九百一十二

膠州

巡洋艦

地亞那

六千七百三十一

西貢

全上

亞士科

五千九百零五

上海

假裝巡洋艦

利那

一萬五百七十五

舊金山

全上

喇地米

一萬零七百五十

上海

全上

雅羅士喇夫

八千五百五十

全上

全上

烏羅尼止

一萬零七百五十

全上

戰船

滿洲

一千二百二十四

全上

以上俄船羈禁者八艘此外尚有魚雷艇十號在中國海口內羈禁

日本船隻計開

船類

船名

噸數

沈沒地方

戰國艦

初瀨

一萬五千二百四十

旅順口外

全上

八島

一萬二千五百一十七

全上

巡洋艦

高砂

四千二百二十七

全上

全上

吉野

四千二百二十五

全上

全上

宮古

一千八百

全上

全上

平遠

二千一百八十五

全上

全上

濟遠

二千四百八十一

全上

全上

海門

一千三百六十七

全上

全上

大島

六百四十

全上

全上

愛宕

三百二十二

全上

驅逐艦

曉

三百六十四

全上

全上

速鳥

三百八十一

全上

統計日船自開戰至今沈沒者戰艦二艘巡洋艦八艘驅逐艦二艘共四萬六千四十九噸此外在日本海戰沒者尚有魚雷艇四隻

戶部奏請限制各省鼓鑄銅圓整齊各別

戶部奏請限制各省鼓鑄銅圓整齊幣制片

再理財以幣制爲樞紐幣制以整齊爲要義臣部遵

旨在津設立銀錢總廠卽專爲

整齊幣制起見惟銅圓創行伊始先由廣東試鑄其後各省遞相仿倣以救錢荒現查開鑄已有十七省設局多至二十處若不明定限制未辦者仍將援請已准者復議擴充鑄局益多更滋糜費錢品益難一律且恐私鑄因而混銷而洋銅以各處爭購亦將格外居奇漏卮益甚故上年政務處練兵處會議兩江總督魏光燾奏請添鑄銅圓摺內聲明此後鑄造銀銅圓皆由臣部主持以一幣制而重財政各省並不得紛紛設廠又查上年署兩江總督周馥奏歸併銅圓局片內亦聲明多一局廠多一煩費且恐各局所鑄成色參差於民用轉多不便尤不可不加審慎等語是銅圓宜多鑄而不宜雜出所見正復相同臣等公同商酌各省已成之局勢難停廢應由該將軍督撫認真督造不得再行增設子廠此外未鑄銅圓各處概不得仿照設局如必須銅圓應用仍令籌款交鄰省錢局搭鑄運回行使其有地當衝要設局實在相宜應自臣部隨時察酌情形一俟天津總廠布置就緒再於上海等埠建立分廠以期顛若畫一逐漸推行至各省奏准之初臣部俱令按



月造報迄今開鑄已久均未照辦實不足以重圖法並請飭下現已開鑄銅圓各省將軍督撫嚴飭局員按年彙報以省公牘而昭覈實並將鑄造行使章程迅速送部查核毋任宕延其已認提解練兵各費關係緊要仍令照數批解不得藉詞短欠是否有當謹附片具陳伏乞 聖鑒謹 奏光緒三十一年五月二十六日具 奏奉 旨依議

欽此

江督周准蘇撫電覆鑄當二十銅元飭商務局核議札

案查前據江藩司稟稱款絀用繁擬趕速搭鑄當二十銅元三成立可多得盈餘其運銷亦照成搭放等情本署部堂聞廣東蘇州均已通行甯省應否一律辦理即經札飭商務局體察市面商情核議稟辦並分行銀銅元局知照各在案旋據銀銅元局潘道稟稱此項當二十銅元工省利厚實爲便民裕餉之計况粵蘇兩省皆已開鑄通行未聞窒礙自應趕速搭鑄並檢呈樣式兩枚前來當經電詢蘇撫部院蘇局鑄當五當二十銅元是否暢行去後茲准復電蘇鑄當五大錢係用土範由效藩司奏明試辦弟到任後查得官私攙雜商民疑阻幾滋事端即於三月十三日札局停鑄一面由官收回約俟六月閒當可收竣近復奉部行知以紊亂圖法駁斥不准在案至當二十銅元係機器鑄造奏明試辦現尙通行俟銷路可廣再議擴充等因應由商務局併案迅速核議詳辦除分行外合行札飭札到該局即便遵照前後檄飭

一 奏明宜昌洪江兩局照四省合辦章程辦理梧州一局照兩粵現行章程辦理蘇閩兩省捐章即照贛皖辦理以九五折完納

一 開辦八省統捐後兩湖兩廣境內均有土膏稅捐局其贛皖蘇閩四省未便漫無稽考應由總局酌派員司於各省入境扼要之區設查驗緝私補收局一處專司查補如已完土稅膏捐貼有總局印花者驗明單貨相符聽其在指運省分境內售銷不得留難需索仍逐日將查驗過土商牌號劬兩及印花張數執照號數係何局收捐給照分別登記按月冊報總局以憑查考如由新關報完子口者查無總局膏捐印花專照即由查驗補抽局照四省合辦章程補收落地膏捐以符如非落地概不重徵之案

一 宜昌已完子口稅之土藥局就關預徵落地膏捐始准運往指銷省分惟查兩湖贛皖四省土藥仍照舊章徵收不得議減其新增入之蘇閩兩廣四省向在宜昌新關報運子口者每淨土百觔酌收膏捐庫平銀五十二兩由總局派員會同洋關委員黏貼總局印花填給專照無論行至何省報明入境查驗局驗過放行梧州照辦

一 劃撥之款照奏定數目核撥餘款即作為溢取之數按月徑解總局由總局按季冊報戶部陸續交號商領解總局開支經費及新添四省查驗局所酌募緝私勇餉捐票印花電報各雜支需款甚鉅暫將溢收贛皖蘇閩等省土藥善後續私經費兩項提出列支其土稅膏捐正項存儲備解俟一年屆滿再

行稟看情形酌議實支活支數目列款奏咨立案

一宜昌洪江兩處擬照江西辦法擇妥實公司包定專造土藥小輪以期迅速宜昌運至九江止常德運至湘潭止所准裝土下駛放空上行酌收水脚不准搭客載貨以杜弊竇行駛章程悉遵關例試辦一年如水脚不敷由總局量予津貼並酌議保險經費俟有的款卽由公家造輪裝運常德以上咨明湖南撫院派撥礮船分段護送梧州則水陸均有護送舊章無庸再議

一宜昌收捐章程銀錢并取湘省經收錢款係按十足錢一千文收庫平銀八錢不隨市價漲落今改收統捐各省錢價漲落不定辦法必致兩歧此後凡錢款者每十足錢一千文概按庫平八錢折收

一土藥稅捐既重川雲貴等省山路崎嶇間有大幫匪徒攜帶鎗枝包送私土拒捕傷人者除酌增緝勇嚴密查拿外如實係土匪持槍傷人應照鹽匪拒捕例格殺勿論以重緝務

一此項溢收專爲練兵經費現既議辦八省統捐所有四川雲貴等省未便因各省加收落地膏捐亦議加徵出境土稅致土商重困應請由財政處戶部咨明四川雲貴等省各按舊章抽取開辦統捐以後不再加徵至各省所收燈捐爲數無多其中不盡土藥未便遽裁惟不得稍有偏枯亦不再行加重此外如有別捐一律邀免以恤商艱

一報運出境之土間有指運贛省改運皖省指運閩省又折回蘇省者商情全恃周轉自應准予流通但

必領在各省查驗局報明如實係原土藥即准將由查驗局在稅票上註明改運某省加蓋查



一兩湖兩廣各局緝獲私土除充賞外其充公之私土仍各照舊章變價解交各本省司局核收其新設四省查驗緝私局緝獲私土除五成充賞外所有扣存五成私土變價全數解交總局列收

一劃撥提解溢收及子口加捐四項按月由經收之局依限全數批解總局不准延欠

一兩湖兩廣原設之各局卡員司經費緝私保商各營弁勇薪糧各歸本省核支冊報并咨總局備查

### 各省財政彙誌

京師 戶部咨行各省略謂近日內務府經費不足均由本部墊支而部款亦異常支絀實屬無可挪借

已奏明由各省每年另籌內務府經費五十萬兩自光緒三十一年起由各省分攤除春季已由本部墊支應照數指省撥還外餘均徑解內務府交納計開各省分攤銀兩如下 山東二萬兩 山西二

萬兩 河南二萬兩 江蘇二萬兩 廣東二萬兩 四川二萬兩 以上六款共銀十二萬兩均全

數交部歸墊 江西二萬兩 陝西一萬兩 浙江一萬兩 福建一萬兩 湖北一萬兩 湖南一

萬兩 安徽一萬兩 蕪湖關常稅銀六萬兩 江海關洋稅銀二萬兩 浙海關洋稅銀二萬兩

粵海關洋稅銀二萬兩 山海關常稅銀二萬兩 宜昌關洋稅銀二萬兩 閩海關常稅銀二萬兩

鎮江關洋稅銀二萬兩 長蘆鹽課銀一萬兩 山東鹽課銀一萬兩 兩淮鹽課鹽釐銀二萬兩

兩浙鹽課鹽釐銀二萬兩 河南山東新加鹽引銀四萬兩 以上二十款共三十八萬兩均應全



數徑解內務府交納 統計指撥各省關共銀五十萬兩

江蘇 署江督周前議將釐捐改爲統捐飭由司道妥議章程以資開辦現雖經司道稟詳辦法惟以各釐卡收捐條目向有正項雜項之分必須妥爲詳核督憲因飭令江甯藩司釐捐總局通飭各該卡迅將平日所收捐項孰爲正款孰爲雜款剋日分別造具清冊以憑酌量歸併改辦統捐 蘇撫陸電致上海道查詢銅元入口數目略云此閒銅元滯銷各省運銷銅元兌價又不一律市面商情均有關係官紳集議亟待維持頃聞各省有銅元入口分運來蘇跌價售銷之說如果屬實大與蘇省有礙務望設法查明爲數若干稟候酌辦

廣東 省河釐務疊經釐局分別整頓在案邇來荳子販運入口來源甚旺又值旺月時期乃釐項未見起色茲經釐務總局札飭補抽荳釐烏總辦認真查抽以維國課當經札諭省河荳行各商略謂釐金爲國課所關輸將務宜踴躍現值整頓釐務之際庫款支絀待用孔殷凡有征收之責者務各認真經理以期有神國課本總辦接辦以來整躬率屬潔已奉公一切司巡人等亦嚴加誥誡絕風清惟屆旺月以來釐務仍不見起色若果來源短絀尙屬可原特恐爾衆商人等倘有以多報少希圖朦混則實屬不成事體嗣後各商人等限於清關後三日內所有應完釐金須全數照實赴局報納不得延遲遺漏倘被本局查對不符始續行補報即係有心隱匿定將該商人從嚴究罰

商部奏候補京堂陳呈請於川省廣興各項實業摺

奏爲據呈代奏恭摺仰祈 聖鑒事竊臣部差委章京候補四五品京堂陳時利呈稱

竊維川省據西陲之上腴民殷物阜上通藏印下達江海左抱滇黔右帶陝湘固四通商戰之地而外人所亟欲馳逐爭競者也然自成都創設商局以來洋燭烟捲或甫辦而旋停強水火柴雖專利而未廣製造不精轉運不靈既難以開風氣而增公益推原其故實由於商情渙散民智閉塞整頓之未得其術操縱之未妙其權也時利以爲求新不如振舊慮始斯可圖成施之以漸乃克有爲四川土產除鹽歸官運外其流溢於外洋外省者曰絲茶曰白蠟藥材糖蔗爲大宗絲產於保甯嘉定而聚於成都以供蜀錦綢緞繡貨之用餘則達於上海而出洋川絲縲法多不善必入上海機器廠然後合用卽以川中綢緞論亦遠遜江浙蓋植桑辨種育蠶縲絲諸法夙未講求也蜀雖多山然各州縣皆有平原腴壤宜桑之地僅僅嘉定保甯一隅不足以推廣利源擬請 旨飭下四川督臣札飭各州縣設立蠶桑局官爲購置桑秧租地插布大縣約四五十畝小縣約二三十畝每地一畝約佈桑秧五萬條大中小勻計每縣約得三十畝歲可種桑秧一百五十萬株以此

遞增遞補其效甚捷須嚴訂科條地方官不認真者有黜凡民間田畔牆陰皆可挿桑由官督飭里保勸諭農民按戶之大小地之廣狹赴局請領官種不取種資動植者賞怠惰者罰其挿而未活者令其赴局買補以賠原領之數每條訂制錢三四文不得多取地方官隨時稽查不得奉行故事總期數年後桑林遍於全蜀並將挿桑擇種飼蠶繅絲諸新法取其善美簡切而易行者刊刻成書由地方官徧散農民復再三開諭留心考察務欲民知其利踴躍從事省城則由商局創一繅絲廠重慶設分廠凡出口絲及赴各機房者皆入廠公司則聽各商自設若川絲成貨出省者不過欄杆花樣不新爲東洋所抵制綢緞練絲不熟又視浙湖爲減色急宜考新法製新機覓新樣創新式製法花樣以愈新而愈妙隨時改良勿令陳陳相因是當在省城設一大勸工場比較廠以絲爲首務茶產雅州藏番所嗜爲川貨出藏之大宗亦爲川省扼藏之要領近二十年來商人詐僞以樹葉攪雜其中藏番深惡莫可如何英人始以印茶誘之遂成互市之局迨印茶成而川茶日益衰諸商漸多歇業川省產茶不一地雅州外尙有馬邊灌縣等處要皆內銷未能遠販蜀地多山宜茶之地不少宜令開放例禁聽民得以自種官爲頒布茶種設局收買成都



大黃五倍子巴豆薑黃出洋所銷亦微餘祇供給各省而已查西人每食必飲咖啡今宜添置咖啡之種設法種植製成此茶以投西人之嗜官爲試辦一得其法卽令民間廣種以收利益川糖之品三曰白糖桔糖紅糖皆出於蔗資州瀘州一帶蔗林鬱鬱沿山皆是然惟桔糖可達漢口而白糖紅糖祇行本省糖之用至廣者莫如白糖華洋咸嗜川白糖色暗而味過濃厚成木極重其價逾於台糖洋糖而潔白不如遠甚今依倣台糖機器製造出貨多而價極廉精益求精務駕台糖洋糖之上使東西爭購抵制外人麻與絲並重而麻用尤溥考古無木棉惟老者可以衣帛仰給於絲其少壯取辦於麻而已自木棉盛行而以麻織布祇施之於夏而視爲可有無之數近經西人考察斯理以爲麻之適體不但勝於棉而且勝於絲四川惟隆昌麻布最著名然拘守舊法不足暢銷前年曾欲設麻布公司未成遽止今宜博採西術考究麻理配以新機製以新法務合西人適體之用並宜通飭各州縣勸諭民間種桑之外繼以種麻庶地無棄材而人有恆產矣以上六端皆川產可以出省出口之大宗其餘如骨角羽毛諸類可以新法推廣者正復不少竊惟天下大利本於農桑漢臣司馬遷貨殖傳悉就民生日用之源以扼其綱領西人馳逐東亞



皆伺察中民意向之所在以中其隱而乘其樞故英法商業雄競東來爲全球冠近日本倣效亦操勝權然察其灌輸角馳之要實以紗布絲茶銅鐵爲巨擘機器奇巧不過輔之以行而非正宗蜀地重慶早闢商場將來軌路大通成都將列爲巨埠昔之險塞今類康莊若不早爲圖謀誠恐門戶一開漏卮轉甚况蜀民人口甲於二十一省生齒日繁游民日衆尤宜廣興各項實業以彌隱患而裕民生時利家世蜀人聞見較確謹貢芻蕘以冀採擇現在 朝廷設立商部百度維新蜀中商人咸知奮勉呈請代奏懇 恩飭下四川督臣設法極力整頓以蘇民困而濬利源等情前來理合恭摺具陳代奏伏乞

皇太后

皇上聖鑒謹 奏

節錄江西豐城縣上江督查明礦產情形稟

竊卑職於光緒三十一年四月十二日奉本府行奉憲台札開（中略）等因轉行到縣奉此遵查卑縣出煤載在通志無如地土瘠薄煤苗雖旺煤質不佳上年曾將此煤解赴本省機器局試驗不合鼓鑄之用與本省樂平萍鄉等邑所產相去天淵且卑縣所產之煤未能行銷境外而民間用代山柴不無利益自光緒二十八年署江西督糧丁道開設公司以來各處山場多用法開挖旋因爭訟裁撤公司卑職到任後清釐此項控案諭以無照不准私挖遂據民人張一宗等邑紳周蓮等龔萬泰等熊茂山等周

土法開採煤礦繪圖呈請給照當經據情申請江西農工商礦總局給照開採因開礦各山多無契據可驗又與部定新章諸多不合致奉批駁旋奉憲台電飭挖取礦石數件送甯考驗當將河西卿塘山所產煤苗挖取優劣共六塊賚省轉解憲轅嗣據邑紳周蓮等稟稱豐邑煤礦多係從前已用土法開採無需試探且股本多者不過一二千元少或數百元挖煤一百斤不過得錢二百文及二百數十文不等除山價人工外獲利甚少礙難遵奉部章辦理若一律封閉不特棄地之材且失自然之利稟乞轉懇變通又經卑職據情稟奉江西農工商礦總局批准暫行試辦現雖錄批傳諭第恐開礦各紳民多已虧本一時難再集股且刻下井中有水需至七八月間方能開挖此卑縣煤礦官辦商辦均無效驗之實在情形也緣奉前因理合稟復伏乞俯賜核辦

創辦湖北藝興有限公司章程 續第十二册

#### 第四章 製造機器

一 本公司擬擇最有用銷場最廣之鐵質木質各機器先行製造如軋花機抽水機紡紗機織布機耘田機打禾機剝穀機舂米機磨麥機救火洋水龍造磚瓦機造洋蠟燭機是也其餘尙有打棉機打繩機印花機印字機起重機造洋針機造鈕扣機等亦須陸續做造

一 凡製一機必譯印一圖書隨機附送俾購者得以如法運用

一 如有人欲定造何種機器均可隨時到本公司商訂

南洋官報  
一廠外並設船廠一區以便武漢大小輪船機括有壞即可就近修理以免歲修鉅款爲外人攬奪

一本公司製造機器略有成效即擬添設學堂一所招選生徒教授各種製造工藝以開風氣

### 第五章 收支銀錢

一管理帳目之人必須立明帳簿若干本如流水帳分類騰清帳股份帳股息帳買賣各物帳應先行訂明編寫明晰逐日分記每日之帳則於第二日由總董協董總理經理蓋章以昭慎重一月一小結一年一總結以便刊發徵信冊

一所有股本及收到售賣機價除現用各款外其餘均須存放銀行生息並將用款預算一表以便屆時提取若合符節

一本公司所有建造廠工經費及購辦機器與夫購買煤鐵及器具等件凡銀至十兩以上者皆由總董協董總理經理在一大行店定購或一月內給價或三節內給價其餘零星小件或由上街人或由帳房往購惟仍須取回發單以備存查凡記帳銀至一兩以上者須詳細記載不得含混

一年底結帳存查財產數目除現存銀錢均有帳簿憑算外其廠內所存一切物料未動用者按時價開列造而未全者按其已用之工料開列房屋一類每年至少減價百分之一機器器具一類每年至少減價百分之三開列

一所有總董協董總理經理各執事並工匠人等不得在公款內挪用銀錢以昭慎重

一所有廠房計明何人名下

## 各省實業彙誌

江甯 邇年各省次第創設紡紗織布等廠甯省迄未踵興近日江南實業學堂總辦李觀察鳳年亟欲提倡甯民講求紡織實業前已檄委該堂提調李令大年剋日馳赴鄂皖等省查勘辦有成效之紡織各廠詳紀其辦法以便回省後如法興辦

安徽 燕湖商務局喬觀察接關道移奉商部札准駐京義國巴使照稱本國一千九百零六年擬在秘拉諾地方設立賽會中有漁業分會極關重要今接本國政府之諭應請轉達商部並海關總稅務司俾得通知各省及通水路各官員令其出示勸諭漁業公司或漁業之人均行預備賽會移請出示勸諭等因日前已繕示多張分貼勸諭前往賽會以資考究

山東 濟南西關外之工藝局原設六廠曰毛毯曰繡貨曰銅鐵器曰木器曰織布曰造車現奉農工商局詳請改爲工藝傳習所多派生徒增設四廠曰染色曰礦金曰手巾曰洋燭所收生徒月繳學費五元其不在局宿膳者每月一元 山東草帽辮一項爲土產大宗東府所產在烟台出口西府所產多由商人運往天津出口東府之操此業者以萊州府掖縣沙河鎮杜氏爲巨擘其家擁貲甚富號稱百萬聞近數年出口之數漸形短少由外部咨行飭屬設法整頓近據總稅務司申覆黏抄原呈咨行撫帥轉札商局將本省近年草帽辮情形認真考察製造已否改良銷數能否增進應如何設法保有此



業利權不致爲外商所奪妥議籌辦詳請核咨矣

四川 川省富於地產近合州張式卿森楷專究心於蠶桑聞又有綦江武生曾蔭之天姿聰穎諳曉機器製造等事近在重慶管火柴公司之機器又慶符廩生嚴紫瞻能提取煤氣以供炊爨又中江廩生葉嘯濤能造洋酒將來川省製造之發達可預期矣 近有人攜有石綿一方據言出自大甯縣與秦晉毗連地方徧山皆白色頑石質極鬆爽草木不生土人以爲棄物石在土內性軟如泥極似石膏色白而亮擊之成條揉之成絲入火不化親驗勿爽如能縑織成幅縫爲衣裳較火浣布爲尤美也

廣東 學務處牌示云照得學堂用品大半購自外洋如理化器具等件驟難做造故不能不暫購應用至於一球竿一啞鈴一粉錠一石板均自外洋購來目下學堂寥寥尙無不可轉瞬學堂日多一日應用各件皆由外購必至興學之效未見漏卮之害已形本處深爲憂之現正督飭委員詳加研究將容易造成之件飭匠做造惟本處人材有限學校用品甚多如各紳商士民有能自出心思做造學校用品者不論本籍外籍均可將造成之件呈送本處攷驗如果真能適用比較價值與購自外洋者稍廉本處卽通飭各屬學堂一律購用並爲詳請督撫憲咨部准其專利至於學生操衣目下官私各學堂大都購用洋布中國織布工廠既少此項布價亦皆流出外洋本處現已通行各官立學堂凡學生操衣一律改用土布或湖北官布所望各屬私立學堂亦卽一律改用兩廣游民甚衆生計無多能塞一

示仰所屬官民一體遵照此示

商部奏商民私賣礦產請飭查禁摺

奏爲商民不明約章私賣礦產流弊滋多請飭嚴密查禁以維權限恭摺仰祈  
聖鑒事竊維路礦農工諸政泰西各國皆以此爲開通商務之基故其通國人民靡不殫  
精竭思合力營制然其於轄制之權限境土之尺寸則必兢兢焉自保主權他國人民萬  
不能侵損其毫末可見權限所在不容須臾忽也中國商民不知此義往往貪圖目前之  
小利不顧後日之隱憂近年以來各省私售礦地礦山之案層見迭出至各處租界之外  
民間農田房產亦浸假而售諸外人若不設法查禁流弊何可勝言查各國通商條約外  
國商民只准在通商口岸租地建置又從前總理衙門成案傳教士買地建堂其賣契內  
只可載明賣作本處教堂公產字樣若係洋人在內地置買私產與條約不合仍應禁止  
是洋人在內地置買產業原非條約所准行又總理衙門通咨各省文稱嗣後各教堂置  
買產業不必先行報明地方官等因可見若非教堂置買產業均經先報地方官查核且  
教堂置買產業雖不必先報地方官而買妥之後則仍由地方官蓋印稅契其是否教堂  
置買原不難確切稽查臣等參考約章界限本極分明徒以奸民貪圖重價私自售賣而

地方州縣不加深察或吏役人等私受賄託朦准稅契迨至事成之後商令退讓洋人亦不無虧累返復相持往往釀成交涉臣等詳加籌度與其事後爭論轉繁多何如先事防維爲拔本清源之計擬請飭下順天府尹各省將軍督撫等嚴飭各該地方州縣於商民稅契事件務令澈底查明勿稍含混倘有商民將地產私售外人未經查出輒予稅契者卽將該州縣照例參處地主及吏役人等如查有串通朦混情事一併治以應得之罪以儆效尤現值修訂法律之際應否訂定專條另由臣等咨行法律大臣酌核辦理臣等爲申明約章慎重權制起見是否有當謹恭摺具陳伏乞  
皇太后 皇  
上聖鑒訓示謹 奏

江督周准兩部咨飭

湖道  
審礦公所

通飭各地方官查禁商民私賣礦產札

光緒三十一年六月初五日准商部咨光緒三十一年五月二十二日准軍機處片交本部具奏商民私賣礦產流弊滋多請飭嚴密查禁一摺本日奉旨依議欽此傳知欽遵前來相應刷印原奏恭錄諭旨咨行貴大臣欽遵辦理可也等因並鈔單到本大臣准此合行鈔單札飭札到卽便通飭各地方官一體遵照辦理毋違



良製衣入會大似真者將銷我華現派專員在會盛獎華絲佳堅可浣微詆彼劣果行於華可畏應請大部預防曉示其害絲業幸甚等語前來查西人製造假絲之法用棉花火藥及樟腦配煉而成遇火易燃遇酒易化不能持久惟價值甚廉易於銷售現經改良製衣銷運來華大足爲華商絲業之害亟應設法預防除電楊大臣購寄絲樣標牌記號並將製煉方法調查詳覆外合行札飭該商學會知照絲業各商加意考求預防其害以維商務而保利源是爲切要

### 各省商務彙誌

江甯 江督憲近札江南商務局云准商部咨光緒三十一年五月二十二日本部附奏發給江甯商務總會關防一片同日奉 旨依議欽此相應恭錄 諭旨鈔錄原奏咨行貴督欽遵查照可也等因並鈔單到本大臣准此合行抄單札飭札到該局即便轉飭遵照並查明該商會設立省城何處如何辦理曾否訂有章程刻日錄報查考毋違 江督憲札飭溫觀察考察銀行商務事宜畧云照得江南商務素未講求卽如銀行一事至今未辦亟應派員考察通省商務情形並籌振興之法隨時會同藩司及商務局劉道切實整頓核議稟辦查有廣東候補道溫道灝堪以派委月給薪夫銀二百兩由商務局在裕甯官銀號支給以資辦公除分行外合行札委札到該員即便遵照辦理

江蘇 上海米業董事因內地米糧壅積穀賤傷農滬市禁止轉運鄰省又虞遏糴屢請南洋開禁四月



開又稟商會轉請稟陳江督茲奉批示照錄於下 查上海一口向僅運銷江南之米本不敵下河之旺近日無錫之米俱由內河運浙而鎮江開禁以後運米出口者無多足見浙閩米價不貴而江南之米不恃滬市爲銷路況上海一埠人數衆多食用甚繁與鎮江情形不同前據平糶義捐局具稟業經明晰批示嗣准北洋大臣以源泰等號在滬購存米石電致請飭驗放即經電覆未准旋又接英領事函請弛禁亦經先後駁復在案稟蘇松一帶積米甚多穀價極賤是否屬實現在日俄戰局未結倘予弛禁能否不致別滋流弊該商會所請是否專爲貿易起見仰上海道確切查明核議具復察奪

江西 贛省昨奉商部來文飭將稅局分設稅卡處所及內河行輪航路繪圖貼說咨送茲經稅務總局繆正汀觀察轉延素精測繪之黃縣丞變分別繪圖以便呈送 贛撫胡中丞擬於省城設商務總會一所爲全省商界之樞紐令每行公舉總董二人其章程已由饒太史積庭磋商議定惟以何人爲會中總辦則尙未商妥

福建 商部考察各埠商務員王丹揆參議清穆及王單兩司員曾於前月到廈王參議等赴商政局考查一切乃邀廈地官紳到局演說屆期到者爲王道黃廳紳耆陳綱京卿葉清池林景商等王參議演說商務近勢中不如西且商利漸爲西人所奪亟宜整頓挽回云云

周齊沙紐密打之王也紐密打之地在非洲北濱臨地中海處卽後來改稱亞爾齊部落是也種人蠻悍善戰尤工騎射周之父曰馬登那保祖曰馬新尼沙周早孤祖薨其叔邁斯沙襲位叔有二子曰亞德赫保曰懿伯西爾與周爲嫡堂兄弟紀元前百十八年叔薨周殺懿伯亞德走訴於羅馬周重賂羅馬議員明年置周無罪分其國土俾兄弟各治一方而周所得地大於亞德嗣而周侵德疆圍亞德於璽他擒之並其役用羅馬之客卿皆置之死雖背羅馬前盟弗顧也時羅馬執政嘉氏辣不受其賄出兵攻之九年周敗遁走摩利顛那依摩利顛那之王寶插斯旣而羅馬將軍馬母留繼嘉氏辣爲政帥師攻寶寶執周獻於軍前四年羅馬軍俘周歸縊於獄國亡

附刊題外

卷之六

...

中國各埠通商考

商市之開濫觴於神農氏致天下之民聚天下之貨交易而退各得其所後世宗之遂爲商戰之先路迨太公通商便魚鹽以強齊管夷吾修之卒成桓公霸業富強甲於列邦府海官山至宣威而猶有餘焰甚矣以財貨操縱域內其收效竟捷於兵力且久長也自明以迄 國朝邊徼通商及於海船蓋外商之運貨入中國者泊船海濱與華人交易不及岸有不馴者遏其市因洋商猶未嚮集故得閉關以寓操縱也然則商埠之設昉於何時乎曰在道光末年當其初海舶來華皆在海中交易西商苦其不便乞官給岸上一席之地以貯貨財官不聽番人私賄珍玩竟許之於是以舟中之所有羅致岸上張廣幕以蔽風雨設巡役以防奸徒其貨以烟土呢布鐘表爲大宗易中國之大黃絲茶以去相處日久華人多與之狎竟借民地蓋設棧房聲勢遙通根基漸固洋商之勢恢恢乎有餘地焉未幾遂有禁烟之衅鴉片之來中國初爲藥籠中材也乾隆間粵東富家婦少年早寡因削髮爲尼母家築庵居之婦漸成癩瘼某巨商以西人花露水瓶與跳舞會之燈及鴉片膏一器持贈婦戲於帳中抽簪挑膏就燈燒之得奇香如是以爲常每燒口鼻四肢舒泰由是用中通之竹貫花露瓶鑽一孔敷烟吸之是爲吸鴉片之始授受所及國中通行寔成情俗適林文忠督粵決計禁之焚烟土無算西商大忿乃以兵來攻於是有道光二十八年之約時西歷一千八百四十八年西八月二十八日也



然未和口岸以前西人之商於中華早有影響考葡萄牙商史所載明正德十三年葡商至香山澳門時該處海盜橫行地方官不能捕治行旅苦之葡商因言願代中國拘誅但既立功須給片地爲交易之所華官允諾葡商乃驅船搜伏海境一清至隆慶初年乃在澳門設埠初言祇一席地未幾日益廓張貨路竟通省域此五埠之創始索地之先聲也尙論者以爲西人在華商戰之勝以五埠開其端豈知澳門一隅葡人先發凡起例乎

夫西人商路東來中國最後自印度爲英人外府膨脹之力由漸而伸勢不能以印度爲止點由是亞丁暹邏麻刺甲蘇拉他凡荷人所得於班葡之境盡被英人侵佔迨濱角之埠一開設局添防更有馬首東瞻之意於是總督被欽命矣商人設公司矣攬專主之權抽地方之稅決決鼎盛力厚財豐蠶食鷹麟貪焰昌熾其以中國爲進點者亦勢也故印度開而英人之願已償亦印度開而英人之欲未止

義律者商界上之忍人也因欲在粵海建立國徽故不惜委曲躊躇蒙恥以求進步無如起事之始拒之太嚴就之又易目的遊移莫定彼得以窺我之隱曲堅持其破編之心思身可死不可降權可伸不可屈全力經營務達宗旨粵東既戰又犯申江中國武備雖修而不敵其水師之狡鷲於是有五口通商之許簽約雖在道光二十八年而許約則在二十二年也

各國開商埠於中土始僅五口定稅則限方隅與治權訂法律厥後通商傳教交涉益繁勢力益廣向中

由拒阻雖曰地大物博其能長此耗削而不疲哉茲將各處商埠之名與經緯之度及開埠之年列表如左

| 地名                    | 緯度      | 經度       | 開埠之年       |
|-----------------------|---------|----------|------------|
| 廣州                    | 二十三度七   | 一百十度五十六  | 立約於一千八百九十  |
| 廈門                    | 二十四度二十七 | 一百十七度    | 同右         |
| 福州                    | 二十五度五十九 | 同右       | 同右         |
| 甯波                    | 二十九度五十三 | 一百十九度十二  | 同右         |
| 上海                    | 三十一度十四  | 一百十九度九   | 同右         |
| 芝罘                    | 三十七度三十三 | 一百十九度二   | 立約於一千八百五十九 |
| 汕頭                    | 二十三度二十二 | 一百十四度二十  | 同右         |
| 海口 <small>在海南</small> | 二十一     | 一百零七又五十六 | 同右         |
| 牛莊                    | 四十又四十三  | 一百十九又五十四 | 同右         |
| 鎮江                    | 三十二又十五  | 一百十七又五十八 | 同右         |
| 南京                    | 三十二又四   | 一百十六又二十七 | 立約於一千八百五十八 |

經度以法京經線起點

開埠之年

天津

三十九又九

一百十四又四十八

西一千八百六十四年

九江

二十九又四十四

一百十三又四十八

西一千八百六十二年

漢口

三十度又三十五分

一百十一度五十七

立約在西一千八百六十一年

宜昌

三十度又四十二

一百零八又五十八

西一千八百七十六年

蕪湖

三十一又二十

一百十六又一

同右

溫州

二十八又一

一百十八又十九

同右

北海

二十一又二十九

一百零六又四十七

同右 西一千八百八十七年

龍州

二十二又二十二

一百零四又二十五

同右 西一千八百八十七年

蒙自

二十三又二十四

一百零一又二

同右 西一千八百九十一年

重慶

二十九又三十四

一百零四又十一

同右 西一千八百九十三年

西藏

二十八度

八十六度又四

同右 西一千八百九十五年

杭州

三十一又十二

一百十七又五十二

同右 西一千八百九十七年

蘇州

三十一又二十五

一百十八又七

同右 西一千八百九十五年

沙市

三十度十七分

一百零九又十七分

同右 西一千八百九十五年

三水

二十三又六

一百十又三十三

一千八百九十七年西二月初四

梧州

二十三又二十九

一百零八又四十

同右

騰越

二十四又四十五

九十五又五十五

同右

岳州

二十九又二十

一百十又四十

一千八百九十六年西四月二十六

三都

二十六又四十

一百十七又十九

同右

秦王島

三十九又五十五

一百十七又十八

同右

吳淞

三十一又二十三

一百十五又十

同右

南甯

二十二又五十二

一百零五又五十二

一千八百九十九年西二月

此開埠之年期佔土之經次也自通海至今凡六十餘年中國市場日增月盛貿易如此之廣交涉如此之多吾知此後鐵路相連西北一隅又將衍暨由是東連東海北及蒙俄南極瓊廉西規藏衛彼此延袤各萬餘里藏通印度滇達越裳無處不商無處不埠恢恢乎為列邦之外府倘自興地利自握商權從容與之交通關埠雖多根基轉固願與有心人借箸籌之



...

...

...

...

...

...

...

...

...

...

...

史通題目篇所謂煩碎也然則開帙解帶便令昭然滿目者蓋後世之文體也論語之文簡而要唯聖者能之家語之文詳而暢中人以上皆可及也家語執轡篇子夏曰商聞山書曰地東西爲緯南北爲經（今東西爲經南北爲緯）與今日異然所謂堅土之人剛弱土之人柔墟土之人大沙土之人細皆深明種性與地理之關係蓋三代以前研究民生日用者皆切實也

〔五〕孔叢子糝世家之體

孔叢子舊說爲孔子八世孫孔鮒撰鮒爲陳涉博士固孔氏傳記僅延於秦燬之餘者也漢志儒家有孔臧意者其孔鮒藏書之意乎隋志始有孔叢今本所載皆仲尼而下子上下子高子順之言行凡二十一篇蓋仲尼之後子思以下皆能世其家學聖人之澤之深所及之久遠誠足以世家矣豈待龍門之表異乎彼史遷者亦不過紀其實而已朱子謂孔叢子文氣軟弱不似西漢文字陳振孫亦言其書記鮒之沒決非鮒撰竊謂書名孔叢必非一人之手子思以下子孫世世廣續之耳周秦之際孔氏一線之傳猶幸有書可證焉家語爲王肅僞託後人不能廢此亦同一例也國朝孫星衍撰孔子集語博采諸子百

家之言分別而條理之亦孔叢之類也蓋書雖成於近日文皆本於周秦故也

〔十六〕晏子春秋剗諫疏奏議之體

春秋列國賢卿大夫諫草之未焚者晏子一人而已矣其卷一卷二諫章凡五十篇莊公矜勇力不顧行義晏子諫焉景公飲酒夜聽新樂燕賞無功信用讒佞欲廢適子祠靈山河伯等事晏子皆諫嗚呼晏子可謂知大體矣漢唐論諫之名作往往合於晏子讀其書知國無諍臣則不能自立焉晏子春秋題目最長叙事極明後世諫疏前一行必云爲某某事者其體卽原於此又有卷三卷四問六十篇則近日召對紀言一體也吾獨惜後世名臣嘉謨入告往往讓善於天子其次則殿廷策對循例揄揚敷衍空論不切於事情徒取楷法之工以博上第其下者則飾亂世爲昇平爲逢君殃民之蠹賊更無論矣安得平仲復出藉以勵末世之濁俗乎

〔十七〕呂氏春秋剗官局修書之體

古有左史右史之官以司記載未聞有執政大臣廣招遊士以成一書也秦相呂不韋著呂氏春秋其名似私家撰述其實已成官局修書之體也官局修書之體如何不過整齊

用此術也能文之士不能自立爲權門效筆墨之役亦可恥矣後世大臣著述往往萃門生故吏爲之故有目不識丁而政書盈帙者矣律例於應試士子覓代槍者有誅而大府文字出於幕友獨無禁焉官局修書總裁總纂之大臣且優其議叙焉此何理耶

〔六〕漢以來傳記述周秦古事之體

漢袁康之越絕書趙睦之吳越春秋皆斷代分國以專記一時一地之事也史記無列女傳劉向乃勑爲之後漢書遂以列女入正史矣劉向又有新序說苑二書多紀秦以前事皆傳記之可信者也漢之傳記已佚而近人輯錄者陸賈楚漢春秋伏無忌古今注及蜀漢譙周古史考各一卷而已晉則有皇甫謐帝王世紀宋則有羅泌路史皆傳記近於可信者也 國朝馬驢之繹史崔東壁之考信錄皆言三代事元元本本殫見洽聞宜其爲世所鄭重也漢以後傳記記漢以後之事者書目充棟不暇備徵今日撰中國歷史者蹊徑各別雖述周秦古事亦注意今日政策焉然後知修史之才與讀史之法皆歸於致用而已

以上第八星期六小時講義



品一

...

...

...

...

...

...

...

...

...

...

...

...

屋材料及糧草什物以爲生植之用此種資本放在別國決不能驟行歸回最少須有數年之久且有永遠留存該國所歸回者僅年利而已此年利亦常有留存該國作別項資本是以不至將貨物出口抵銷別國前來放置之資本也由是觀之面上所有之貨物進出差負之虛狀實因進口貨物已作資本放置本國此資本歸回者或換貨物或兌金銀出口或竟無須貨物或金銀出口幸無誤看進出貨物表以迷失道途也總之一國不能永遠買貨不籌備法交付此貨或所進之貨已作爲資本即須預備借用此資本之費交付有時用金銀支付金銀不至出口莫非運載金銀較運載貨物出口尤便宜也若市面錢幣緊急錢價即貴或用別語而解之利息及銀行扣費即漲錢價一貴若市面別項情形依然如舊此指求貨之多寡及貨物生植之用費等情而言譯者注則貨物之價值跌落貨物價賤則將貨物出口尤爲便宜若此局面則金子進口較運貨物進口便宜由是金子復行進口也

有時匯價昂貴而索金者甚夥此種局面不能不預計也假政府擬出賣金匯票或支兌金子須預備剋日應手之巨款但匯價昂貴及市面流通貨幣逐漸減少則此種時

局則斷難耐久矣

籌得金子辦法看第三十三頁及以下數頁

四今擬將以上諸原理參攷創設支兌金幣平準圖法也假令某國欲將其銀幣拋高即使其銀幣之值高於幣中之紋銀價值并可與金子價值相等該國務須先籌謀辦法使本國之內所有一切應用錢幣各事可使該國銀錢與金子一樣參用茲將銀幣拋高辦法開列於左

甲凡國內交易必須用一定多少泉幣此泉幣之多少可設限制若限其數較市面應需之數稍少則錢之市面緊由是錢價即可拋高若求者多供者少而有限此物之價即高漲也

乙政府由民間收完賦稅租餉等項公款准收新鑄銀幣並照銀之金價推算蓋此銀錢按例而論即是金之代表

丙此新銀幣並可作為民間私債之用由是此銀幣之用場即可推廣之乙丙兩條並不要用現金故不至與貨物進出相差之正負有關係

丁政府設立限制允准以金兌換銀幣兌換各法如下

設新幣制時屢次經驗但查中國局面大抵通用銀幣金子銷路僅有二則一爲藝技之用此項用處金銀舖可在市面按價收買金條且政府無須供給彼等金幣或金條二爲支付洋債之用因欠用金爲準國法國之款項欲購買匯票往他國

政府可仿照荷蘭國辦法卽立一存貯金款在歐美由是有用新式金幣來購匯票政府卽可用此存貯款項出匯票荷蘭政府由國民銀行經理此事故能維持銀價而保守貯款荷蘭自整頓國法之後凡來銀幣支兌金者概不見銀卽兌須俟詳細查明後究作何用若用之出口卽准若非出口卽止查匯價之高低須隨商務之緩急惟荷蘭國民銀行之權制有時足敷定奪匯價之用若來換者確係出口則荷蘭國民銀行亦肯收受給以金票惟荷蘭國民銀行並不爭索出賣匯票之權利也

以上所言匯票係指滙往外國

之滙票  
譯者注

中國政府設欲做匯理生意或自行舉辦或由國民銀行代理亦可照時價出賣匯票與各銀行爭競惟須先在歐美設立存貯金款所賣之匯票卽可由此款支付也若專爲維持銀幣之價值起見中國政府不必自行舉辦匯理生意在平日此項生理可讓



局則斷難耐久矣

籌得金子辦法看第三十三頁及以下數頁

四今擬將以上諸原理參攷創設支兌金幣平準圖法也假令某國欲將其銀幣拋高即使其銀幣之值高於幣中之紋銀價值并可與金子價值相等該國務須先籌謀辦法使本國之內所有一切應用錢幣各事可使該國銀錢與金子一樣參用茲將銀幣拋高辦法開列於左

甲凡國內交易必須用一定多少泉幣此泉幣之多少可設限制若限其數較市面應需之數稍少則錢之市面緊由是錢價即可拋高若求者多供者少而有限此物之價即高漲也

乙政府由民間收完賦稅租餉等項公款准收新鑄銀幣並照銀之金價推算蓋此銀錢按例而論即是金之代表

丙此新銀幣並可作為民間私債之用由是此銀幣之用場即可推廣 乙丙兩條並不要現金故不至與貨物進出相差之正負有關係

丁政府設立限制允准以金兌換銀幣兌換各法如下

設新幣制時屢次經驗但查中國局面大抵通用銀幣金子銷路僅有二則一爲藝技之用此項用處金銀舖可在市面按價收買金條且政府無須供給彼等金幣或金條二爲支付洋債之用因欠用金爲準國法國之款項欲購買匯票匯往他國

政府可仿照荷蘭國辦法即立一存貯金款在歐美由是有用新式金幣來購匯票政府即可用此存貯款項出賣匯票荷蘭政府由國民銀行經理此事故能維持銀價而保守貯款荷蘭自整頓國法之後凡來銀幣支兌金者概不見銀即兌須俟詳細查明後究作何用若用之出口即准若非出口即止查匯價之高低須隨商務之緩急惟荷蘭國民銀行之權制有時足敷定奪匯價之用若來換者確係出口則荷蘭國民銀行亦肯收受給以金票惟荷蘭國民銀行並不爭索出賣匯票之權利也

以上所言匯票係指匯往外國

之匯票  
譯者注

中國政府設欲做匯理生意或自行舉辦或由國民銀行代理亦可照時價出賣匯票與各銀行爭競惟須先在歐美設立存貯金款所賣之匯票即可由此款支付也若專爲維持銀幣之價值起見中國政府不必自行舉辦匯理生意在平日此項生理可讓

已開之銀行辦理設遇時局變更銀幣價跌匯價因此非常之昂貴政府卽應用外洋存貯金款多售匯票於銀行或各項民人政府按照此辦法設因官家所發出流行之國幣爲數過多或因市面清淡所在市面流通之數過於所需必致銀幣市價跌落則銀幣方向國庫內流此外不至有他虞也查此新銀幣之值在本國頗勝於別國故萬無運載出口之理若所有因賣匯票收進之銀幣悉行留存國庫則市面錢價因錢數改少驟漲以是錢幣在本國市面交用較匯往他國尤見便宜而來換匯票者自卽停止也所有通商進出差負之數卽可將本國自己不亟需之貨物販運出口對抵由是本國國法可以保全矣且就此推勘雖通商進出之差負莫非所發出市面通行之數過多或因別故市面現錢過多而於本國國法終久不至有關礙也所相關者僅在市面敷餘錢幣自行退回國庫之際而已

五茲擇出中國進出口商務最可恃之表開列於左

前十餘年統總論之中國金子出口在數不少蓋因中國錢幣統係銀銅國中無需金子也再銀子係國幣之寶因本國所產不敷常有進口考以上之表知中國進出口貨物

本報拾日出一册每册大洋七角五分

局設南京省城二道高井